


孝武本紀
孝文本紀

孝景本紀

孝文本紀
孝景本紀



史

記

呂后本如第九

史記九

索隱曰呂太后本以女上臨朝曰孝惠前後女少帝而始稱制正合附惠紀而論之不然或別

為呂后本紀豈得全沒孝惠而獨稱呂后本紀合依班氏分為二紀焉

呂太后者

徐廣曰呂后父呂公漢元年為臨泗侯四年卒高后元年追謚曰呂宣王

高祖微

時妃也

漢書音義曰諱雖。索隱曰字我始也

生孝惠帝

漢書音義曰諱盈

女

魯元太后及高祖為漢王得定陶戚姬

如淳曰姬音怡衆妾

之終稱也漢官曰姬妾數百蘇林曰清河國有如里而題門家姬贊曰漢秩祿令及茂陵書姬內官也秩其三千石位次

婕妤下在七子八子之上。索隱曰如淳音怡非也茂陵書云姬是內官是矣然官號及婦人通稱姬者姬周之姓所以

左傳稱伯姬叔姬以言天子之宗女貴於他姓故遂愛幸以姬為婦人羨號故詩曰雖有姬弄不棄願悴是也

生趙隱王如意孝惠為人仁弱高祖以為不類

我常欲廢太子立戚姬子如意如意類我戚姬
幸常從上之關東日夜啼泣欲立其子代太子
呂后年長常留守希見上益疏如意立為趙王
後幾代太子者數矣索隱曰幾音其紀反又音祈賴大臣爭之
及留侯策索隱曰謂張良叔孫通等令太子里詞安車以迎四皓也太子得毋廢
呂后為人剛毅佐高祖定天下所誅大臣多呂
后力呂后兄二人皆為將長兄周呂侯徐廣曰名澤高祖入
年卒諡令武侯死事封其子呂台為酈侯徐廣曰酈一作鄆
追諡曰悼武王索隱曰鄭鄒台並音怡蘇林音胎子產為交侯徐廣曰台弟也次兄呂釋之
為建成侯徐廣曰惠帝二年卒諡康生高祖十二年四月甲辰

崩長樂宮太子龍襲以為帝是時高祖八子長男

肥孝惠兄也異母索隱曰母曹姬肥為齊王餘皆孝惠

弟戚姬子如意為趙王薄夫人子恒為代王諸

姬子子恢為梁王子友為淮陽王子長為淮南

王子建為燕王高祖弟交為楚王兄子濞為吳

王非劉氏功臣番君吳芮子臣為長沙王呂后

最怨戚夫人及其子趙王廼令永巷如淳曰列女傳曰周宣姜

后脫簪珥待罪永巷後改有長巷故名之也豈昭去為掖庭。索隱曰永巷別宮名囚

戚夫人而召趙王使者三反趙相建平侯周昌

謂使者曰高帝屬臣趙王趙王年少竊聞太后

怨戚夫人欲召趙王并誅之臣不敢遣王王且
亦病不能奉詔呂后大怒廼使人召趙相趙相
徵至長安廼使人復召趙王王來未到孝惠帝
慈仁知太后怒自迎趙王霸上與入宮自挾與
趙王起居飲食太后意欲殺之不得間孝惠元年
十二月帝晨出射趙王亦不能蚤起太后聞其
獨居使人持酖飲之酖鳥食蠅以其犁明孝
惠還徐廣曰犁猶比也諸趙王已死於是廼徙淮陽
王友為趙王夏詔賜酖侯父追謚為令武侯
曰太后遂斷戚夫人手足去眼燿耳飲瘖藥

使居廁中命曰人彘居數日廼召孝惠帝觀人
彘孝惠見問廼知其戚夫人廼大哭因病歲餘
不能起使人請太后曰此非人所為臣為太后
子終不能治天下孝惠以此日飲為淫樂不聽
政故有病也二年楚元王齊悼惠王皆來朝十
月孝惠與齊王燕飲太后前孝惠以為齊王兄
置上坐如家人之禮太后怒廼酌兩卮酖置前
令齊王起為壽時齊王起孝惠亦起取卮欲俱為
壽太后廼恐自起泛孝惠卮案隱曰泛音捧泛也齊王怪之
因不敢飲詳醉去問知其酖齊王恐自以為不

得脫長安夏齊內史士徐廣曰說王曰太后獨有

孝惠與魯元公主如淳曰公羊傳曰天子嫁女於諸侯必使諸侯同姓者主之故謂之公主

百官表列侯所食曰國皇后公主所食曰邑諸侯王女曰公主蘇林曰公五等尊爵也春秋聽臣子以稱君父婦人稱主

有主孟昭我之比故云公主瓚曰天子之女雖食湯沐之邑不君其民。索隱曰音音徒監反按土是謂里克妻即優施

之語事見國語孟者且也言且昭我物我教汝婦事夫之道此即婦人稱主之意耳此音必二反今王有

七十餘城而公主迺食數城王誠以一郡上大

后為公主湯沐邑太后必喜王必無憂於是齊

王迺上城陽之郡尊公主為王太后如淳曰張敖子偃為魯王

故公主得為太后呂后喜許之迺置酒齊邸正義曰漢法諸侯各起邸第於

也京師樂飲而歸齊王二年方築長安城四年就

半五年六年城就索隱曰漢宮闕疏四年築東面三年築北面漢舊儀城方六十三里經緯

各十二里三輔舊事云城形以北斗也諸侯來會十月朝賀七年秋八

月戊寅孝惠帝崩皇用謚曰帝以秦始皇三十七年生崩時年二十三發喪太

后哭泣不下留侯子張辟彊為侍中應劭曰入侍天子女曰侍

中年十五謂丞相曰太后獨有孝惠今崩哭不

悲君知其解乎正義曰解紀賣反言哭解墮有所思也又音戶賣反解節解也又紀買反謂解

也丞相曰何解辟彊曰帝母壯子正義曰母音無太后畏

君等君今請拜呂台呂產呂祿為將將兵居南

北軍及諸呂皆入宮居中用事如此則太后心

安君等幸得脫禍矣丞相迺如辟彊計太后說

其哭。廼哀。呂氏權由此起。廼大赦天下。九月辛

丑葬。漢書云葬安陵皇覽曰山高三十二丈廣袤百二十三

步居地六十畝皇甫謐曰去長陵十里去長安比三

十五。太子即位為帝。謁高廟。元年號令一出。太

后太后稱制。議欲立諸呂為王。問右丞相王陵。

王陵曰：高帝刑白馬盟曰：非劉氏而王，天下共

擊手之。今王呂氏，非約也。太后不說，問左丞相陳

平絳侯。周勃等對曰：高帝定天下，王子弟，今

太后稱制，王昆弟，諸呂無所不可。太后喜，罷朝。

王陵讓陳平絳侯曰：始與高帝啖血盟，索隱曰：東

反又云或作命諸君不在邪？今高帝崩，太后女主

欲王呂氏，諸君縱欲阿意背約，何面目見高帝

地下？陳平絳侯曰：於今面折廷爭，臣不如君夫

全社稷，定劉氏之後，君亦不如臣。王陵無以應

之。十一月，太后欲廢王陵，乃拜為帝太傅。應劭曰：古

官傳者覆也。贊曰：大奪之相權。王陵遂病，免歸。廼以

左丞相平為右丞相，以辟陽侯審食其為左丞

相。索隱曰：韋昭云：辟左丞相不治事，令監宮中。如郎

中令食其，故得幸。太后常用事，公卿皆因而決

事。廼追尊酈侯父為悼武王，欲以王諸呂為漸

四月，太后欲侯諸呂，廼先封高祖之功臣。郎中

令無擇徐廣曰姓馮為博城侯正義曰括地志云兗州博城本漢博城縣城魯

元公主薨賜諡為魯元太后子偃為魯王魯王

父宣平侯張敖也封齊悼惠王子章為朱虛侯

索隱曰虛音墟琅邪縣也。正義曰括地志云朱虛故城在青州臨朐縣東六十里漢朱虛也。十三州志云丹朱遊故虛故云朱虛也。虛猶丘也。朱猶丹也。以呂祿女妻之齊丞相壽詩為平

定侯徐廣曰姓齊少府延為梧侯徐廣曰姓陽成也。延以軍匠起作宮築城也。

乃封呂種為沛侯徐廣曰釋之子也。正義曰括地志云徐州沛縣古城也。呂平

為扶柳侯徐廣曰太后姊子也。母字長姁。正義曰括地志云扶柳故城在冀州信都縣西三十里漢扶柳縣也有澤澤中多柳故曰扶柳。張買為南宮侯徐廣曰其父越人為高祖驍將。太

后欲王呂氏先立孝惠後宮子彊為淮陽王章昭

曰今陳留郡子不疑為常山王正義曰括地志云常山故城在恒州真定縣南八里本漢

東垣邑也子山為襄成侯索隱曰按下文更名義又改名弘農漢書襄成侯唯云名弘蓋史省

文耳按志襄城屬潁川子朝為軹侯索隱曰韋昭云河內有軹縣音紙。正義曰括地志云故軹城在懷州終原縣東南十三里七國時魏邑子武為壺關侯太后風大臣

大臣請立酈侯呂台為呂王正義曰初呂台為呂王後呂產王梁更名呂王

呂太后許之建成侯釋之卒嗣子有罪廢立

其弟呂祿徐廣曰釋之子胡陵侯正義曰縣名屬山陽章帝改曰胡陸續

康侯後二年常山王薨以其弟襄成侯山為常

山王更名義十一月呂王台薨死諡為肅王太子

嘉代立為王二年無事漢書云秋四年封呂頹為

星書見

臨光侯呂他為俞侯索隱曰他音陔俞音輸。正義曰

西南三十里本漢呂更始為贅其侯徐廣曰表云呂

相呂勝為贅其侯。索隱曰按表贅其在臨淮呂成侯正義曰括地志

州南陽縣西三十里呂尚先祖封及諸侯丞相五人徐廣曰中邑侯朱

松茲侯徐厲勝侯宣平侯女為孝惠皇后時無子通山都侯王恬開

呂更始醴陵侯越佯為有身取美人子各之正義曰劉伯莊云諸美人

子殺其母立所各子為太子孝惠崩太子立為

帝帝壯或聞其母死非真皇后子廼出言曰后

安能殺吾母而各我我未壯壯即為變太后聞

而患之恐其為亂廼幽之永巷中言帝病其差

右莫得見太后曰凡有天下治為萬民命徐廣

無此者蓋之如天空之如地上有權心以安百

姓百姓欣然以事其權欣交通而天下治今

皇帝病久不已廼失心昏亂不能繼嗣奉宗廟

祭祀不可屬天下其代之羣臣皆頓首言皇太

后為天下齊民計所以安宗廟社稷甚深羣臣

頓首奉詔帝發位太后幽殺之五月丙辰立常

山王義為帝更名曰弘不稱元年者以太后稱

天下事也以軹侯朝為常山王置太尉官絳侯

勃為太尉五年八月淮陽王薨以弟壺關侯武

為淮陽王六年十月太后曰呂王嘉居處驕恣
廢之以肅王台弟呂產為呂王夏赦天下封齊
悼惠王子興居為雷牟侯素隱曰嘉昭
云東萊縣七年正月
太后召趙王友友以諸呂女為后弗愛愛他姬
諸呂女妬怒去讒之於太后誣以罪過曰呂氏
安得王太后百歲後吾必擊之太后怒以故召
趙王趙王至置邸不見人衛圍守之弗與食其
羣臣或竊饋輒捕論之趙王餓乃歌曰諸呂用
事兮劉氏危迫脅王侯兮彊授我妃我妃既妬
兮誣我以惡讒女兮亂國兮上曾不寤我無忠臣

兮何故奔國自決中野兮蒼天舉直徐廣曰舉一作與于
嗟不可悔兮寧蚤自財為王而餓死兮誰者憐
之呂氏絕理兮訛天報仇丁丑趙王幽死以民
禮葬之長安民冢次己丑日食晝晦太后惡之
心不樂乃謂左右曰此為我也二月徙梁王恢
為趙王呂王產徙為梁王梁王不之國為帝太
傅立皇子平昌侯太為呂王更名梁曰呂呂曰
濟川太后女弟曰頽素隱曰韋昭云樊
會妻封林光侯有女為營陵
侯劉澤妻澤為大將軍太后王諸呂恐即崩後
劉將軍為害廼以劉澤為琅邪王以慰其心梁

王恢之徙王趙心懷不樂太后以呂產女為趙
王后王后從官百諸呂擅權微伺趙王趙王不
得自恣王有所愛姬王后使人酖殺之王乃為
歌詩四章令樂人歌之王悲六月即自殺太后
聞之以為王用婦人存宗廟禮廢其嗣宣平侯
張敖卒以子偃為曾王敖賜諡為曾元王秋太
后使使告代王欲徙王趙代王謝願守代邊太
傅產丞相平等武信侯呂祿徐廣曰呂后兄子也前封胡陵侯蓋號曰
武上侯位次第一如淳曰功大者位在上功臣請立為
趙王太后許之追尊祿父康侯為趙昭王九月

燕靈王建薨有美人子太后使人殺之無後國

除八年十月立呂肅王子東平侯呂通為燕王

封通弟呂莊為東平侯二月中呂后被還正義曰

反又上首過軹道見物如蒼犬據徐廣曰音載高后掖忽弗

復自死卜之云趙王如意為祟高后遂病掖傷高

后薨外孫曾元王偃年少蚤失父母孤弱適封

張敖前姬兩子侈為新都侯壽為樂昌侯徐廣曰

細陽之以輔曾元王偃及封中大謁者張釋為建

陵侯徐廣曰一云張釋卿駟案如淳曰百官表謁者掌宿贊

也奄人呂榮為祝茲侯徐廣曰呂昆弟子諸中官者令丞皆

為關內侯食邑五百戶

如淳曰列侯出關就國關內侯但爵其身有加異者與關

內之邑食其租稅也風俗通義曰秦時六國未平將帥皆家關中稱關內侯

七月中高后病

甚廼令趙王呂祿為上將軍軍北軍呂王產居

南軍呂太后誡產祿曰高帝已定天下與大臣

約曰非劉氏王者天下共擊之今呂氏王大臣

弗平我即崩帝年少大臣恐為變必據兵衛宮

慎毋送喪母為人所制辛巳高后崩遺詔賜諸

侯王各千金蔡邕曰皇子封為王者其實古諸侯也加號稱王故謂之諸侯王王子封為侯者謂之諸

侯將相列侯郎吏皆以秩賜金大赦天下以呂

王產為相國以呂祿女為帝后高后已葬皇甫謐曰

合葬長陵皇臨見曰高帝后山各一所也以左丞相審食其為帝太傅朱

虛侯劉章有氣力東牟侯興居其弟也皆齊哀

王弟居長安當是時諸呂用事擅權欲為亂畏

高帝故大臣絳灌等未敢發朱虛侯婦呂祿女

陰知其謀恐見誅廼陰令人告其兄齊王欲令

發兵西誅諸呂而立朱虛侯欲從中與大臣為

應齊王欲發六其相弗聽八月丙午齊王欲使

人誅相相召廼廼反舉兵欲圍王王因殺其相

遂發兵東誅魯王琅邪王兵并將之而西語在齊

王語中齊王廼遺諸侯王書曰高帝平定天下

王諸子弟悼惠王。王齊悼惠王。燕死孝惠帝使留
侯良立臣為齊王。孝惠崩高后用事。春秋高聽
諸呂擅發帝田。立文比殺三趙王。索隱曰比音如
趙王厥是三趙王也滅梁趙燕以王諸呂。分齊為四
忠臣進諫上惑亂弗聽。今高后崩而帝春秋高
未能治天下固恃大臣諸侯而諸呂又擅專
官聚兵嚴威劫列侯忠臣矯制以令天下宗廟
所以危寡人率兵入誅不當為王者。漢聞之相
國呂產等廼遣願陰侯灌嬰將兵擊之。灌嬰至
滎陽廼謀曰諸呂權兵關中欲危劉氏而自立

今我破齊還報此益呂氏之資也。廼留也。滎陽
使使諭齊王及諸侯與連和以待呂氏變。共誅
之。齊王聞之廼還兵西界待約。呂祿呂產欲發
亂關中內憚絳侯朱虛等外畏齊楚兵。又恐灌
嬰畔之。欲待灌嬰兵與齊合而發。猶豫未決。索隱

曰猶鄒音以獸反與音預又作豫崔浩云猶猶類也。白臯長
尾性多疑又說文云猶獸名多疑故比之也。按狐性亦多疑
度水而聽水聲故云狐疑也。今解者又引老子與猶予冬涉
川猶予若畏四隣故以為猶與且按狐聽水而此云猶予冬
涉川則猶與是狐類不疑若畏四隣則當是時濟川王
猶定是獸自不保同類故云畏四隣也。當是時濟川王

太淮陽王武常山王朝名為少帝弟及魯元王
呂后外孫皆年少未之國居長安趙王祿梁王

產各將兵居南北軍皆呂氏之人列侯羣臣莫
自堅其命太尉絳侯勃不得入軍中主兵曲周
侯酈商老病其子寄與呂祿善絳侯迺與丞相
陳平謀使人劫酈商令其子寄往給說呂祿曰
高帝與呂后共定天下劉氏所立九王索隱曰吳楚齊淮南
琅邪代常山王朝淮陽王武濟川王太長九王也呂氏立二王索隱曰梁王產趙
皆大臣之議事已布告諸侯諸侯皆以為宜今
太后崩帝少而足下佩趙王印不急之國守藩
迺為上將將兵留此為大臣諸侯所疑足下何
不歸將印以兵屬太尉請梁王歸相國印與大

臣盟而之國齊兵必罷大臣得安足下高枕而
王千里此萬世之利也呂祿信然其計欲歸將
印以兵屬太尉使人報呂產及諸呂老人或以
為便或曰不便計猶豫未有所決呂祿信酈商
時與出游獵過其姑呂嬃嬃大怒曰若為將而
棄軍呂氏今無處矣索隱曰嬃師古以為言見誅滅無處所也迺悉出珠
玉寶器散堂下曰母為他人守也左丞相食其
免八月庚申旦平陽侯宙行御史大夫事見相
國產計事郎中令賈壽使從齊來因數產曰王
不蚤之國今雖欲行尚可得邪具以灌嬰與齊

奏合從欲誅諸呂呂告產迺趣產急入宮平陽侯
頗聞其語迺馳告丞相太尉太尉欲入北軍不
得入襄平侯迺通徐廣曰尚符節張晏曰紀信子也尚
隱曰張晏云紀信子又晉灼云信被焚死不見有後按功臣
表襄平侯紀通父咸以將軍定三秦死事子侯則通非信子
張謬誤迺持符節矯內太尉北軍太尉復令鄼寄
與典客劉揭漢書百官表曰典客秦先說呂祿曰帝
使太尉守北軍欲足下之國急歸將印辭去不
然禍且起呂祿以為麗兒徐廣曰音况不欺已遂
解印屬典客而以兵授太尉太尉將之入軍門
行令軍中曰為呂氏右禮為劉氏左禮軍中皆

左禮為劉氏太尉行至將軍呂祿亦已解上將
印去太尉遂將北軍然尚有南軍平陽侯聞之
以呂產謀告丞相平丞相迺召朱虛侯佐太
尉太尉令朱虛侯監軍門令平陽侯告衛尉毋
入相國產殿門呂產不知呂祿已去北軍迺入
未央宮欲為亂殿門弗得入徘徊往來平陽侯
恐弗勝馳語太尉太尉尚恐不勝諸呂未敢訟
言誅之徐廣曰訟一作公駟案韋昭曰訟猶公也。索隱
曰韋昭以訟為公徐廣亦云然蓋公為得之。公言
猶明言也又解迺遣朱虛侯謂曰急入宮衛帝朱
者云訟誦說也虛侯請卒太尉予卒千餘人入未央宮門遂見

產廷中日舖時遂擊產產走天風大起以故其
從官亂莫敢鬪遂產殺之郎中府吏廁中如淳曰百

官表郎中今掌宮殿門戶故其
府在宮中後轉為光祿勳也

朱虛侯已殺產帝命謁

者持節勞朱虛侯朱虛侯欲奪節信謁者不肯
朱虛侯則從與載因節信馳走斬長樂衛尉呂
更始還馳入北軍報太尉太尉起拜賀朱虛侯
曰所患獨呂產今已誅天下定矣遂遣人分部
悉捕諸呂男女無少長皆斬之辛酉捕斬呂祿
而呂殺呂頹使人誅燕王呂通而發魯王偃壬
戌以帝太傅食其復為左丞相戊辰徙濟川王

王梁立趙幽王子遂為趙王遣朱虛侯章以誅

諸呂氏事告齊王今罷兵灌嬰兵亦罷滎陽而

歸諸大臣相與陰謀曰少帝及梁淮陽常山王

皆非真孝惠子也呂后以計詐各他人子殺其

母養後宮今孝惠子之立以為後及諸王以彊

呂氏今皆已夷滅諸呂而置所立即長用事吾

屬無類矣不如視諸王最賢者立之或言齊悼

惠王高帝長子今其適子為齊王推本言之高

帝適長孫可立也大臣皆曰呂氏以外家惡而

幾危宗廟亂功臣今齊王母家鈞駟鈞惡人也

即立齊王則復為呂氏欲立淮南王以為少母
家又惡迺曰代王方今高帝見子最長仁孝寬
厚太后家薄氏謹良且立長故順以仁孝聞於
天下便迺相與共陰使人召代王使使人辭
謝再反然後乘六乘傳張晏曰滿漢朝有變發馳還也或曰傳車六乘後九
月文穎曰即閏九月也時律曆發不知閏謂之後九月也晦日
己酉至長安舍代邸大臣皆往謁奉天子璽上
代王共尊立為天子代王數讓羣臣固請然後
聽東牟侯興居曰誅呂氏吾無功請得除宮迺
與太僕汝陰侯滕公入宮前謂少帝曰足下非

劉氏不當立乃顧麾左右執戟者培兵罷去徐廣

音化有數人不肯去兵官者令張澤諭告亦去

兵滕公迺召乘輿車載少帝出蔡邕曰律曰敢盜

至尊不敢誅責言之故託於乘輿也乘猶載也或謂酒車也天子以天下為家不以京師宮室為常處則當乘車輿以行天下故羣臣託乘輿以言少帝曰欲將我安之乎滕公

曰出就舍上乘金根車駕六馬有五時副車駕四馬侍中參乘屬車三十六乘迎代王於邸報曰宮

謹除代王即夕入未央宮有謁者十人持戟衛

端門曰天子在也足下何為者而入代王迺謂

太尉太尉往謁謁者十人皆培兵而去代王遂

入而聽政夜有司分部誅滅梁淮陽常山王及少帝於邸代王立為天子二十二年山崩謚為孝文皇帝

太史公曰孝惠皇帝高后之時黎民得離戰國之苦君臣俱欲休息乎無為故惠帝垂拱高后女主稱制政不出房戶天下晏然刑罰罕用罪人是希民務稼穡衣食滋殖

索隱述贊曰

高祖猶微尚私食其

呂氏作妃志懷安忍

及正軒掖性狹猜疑

置鳩燕悼

殘疑戚姬

孝惠崩殞

其哭不悲

諸呂用事

天下示私

大臣菹醢

支薛芟夷

禍盈斯驗

蒼狗為菑

史肆阡伍伯單捌字

漢貳阡壹伯伍拾肆字

呂后本紀第九

史記九

孝文本紀第十

史記十

孝文皇帝

漢書音義曰諱恒

高祖中子也高祖十一年春

已破陳豨軍定代地立為代王都中都

正義曰括地志云中

都故城在汾州平遙縣西南十二里秦屬太原郡也

太后薄氏子即位十七年

高后八年七月高后崩九月諸呂呂產等欲為

亂以危劉氏大臣共誅之謀召立代王事在呂

后語中丞相陳平太尉周勃等使人迎代王代

王問左右郎中令張武等張武等議曰漢大臣

皆故高帝時大將習兵多謀詐此其屬意非止

此也特畏高帝呂太后威耳今已誅諸呂新噍

血京師

公羊傳曰京大師衆也天子之居必以衆大之辭言也。索隱曰漢書曉作牒音跣丁牒反漢書陳湯杜業皆言喋血無盟敢事。此以迎大王為名實不廣雅云喋履也謂履後涉之。

可信願大王稱疾毋往以觀其變中尉宋昌進

曰索隱曰東如漢記宋楊傳宋義後有宋昌又會稽典曰昌宋義孫也羣臣之議皆非也

夫秦失其政諸侯豪桀並起人人自以為得之

者以萬數然卒踐天子之位者劉氏也天下絕

望一矣高帝封王子弟地犬牙相制索隱曰言封子弟境土交

接若犬之牙不正相當而相銜入也此所謂般石石之宗也索隱曰言其固如磐石此

語見太公六韜天下服其彊一矣漢興除秦苛政約法令

施德惠人人自安難動搖二矣夫以呂太后之

嚴立諸呂為三王擅權專制然而太尉以一節

入北軍索隱曰即紀通所稱帝之節一呼士皆左袒為劉氏叛

諸呂卒以滅之此乃天授非人力也今大臣雖

欲為變百姓弗為使其黨盜能專一邪方今內

有朱虛東牟之親外畏吳楚淮南琅邪齊代之

彊方今高帝子獨淮南王與大王大王又長賢

聖仁孝聞於天下故大臣因天下之心而欲迎

立大王大王勿疑也代王報太后計之猶與未

定卜之龜卦兆得大橫應劭曰以荆灼龜文正橫占曰大橫庚

庚余為天王夏啓以光服虔曰庚橫貌也李奇曰庚其辭文也張晏曰橫行無思

不服更更也。言去諸侯而即帝位也。先是五帝官天下，老則禪賢，王啓始傳父爵，乃能光治先君之基業。文帝亦襲父迹，言似夏啓者也。索隱曰：首條云大橫龜兆，橫理也。按更猶更言，以諸侯更帝位也。繇地也，所以抽出吉凶之情也。杜預云：繇兆，繇也。音曹。漢書：孟寬，繇云五帝官天下，三王家。天下官以傳賢人家，以傳子孫，官猶公也。謂不私也。代王曰：寡人固已為王矣。又何王？卜人曰：所謂天王者，乃天子。於是代王乃遣太后弟薄昭往見絳侯。絳侯等具為昭言，所以迎立王意。薄昭還報曰：信矣。毋可疑者。代王乃笑，謂宋昌曰：果如公言。乃命宋昌參乘，張武等六人乘傳詣長安。至高陵，休止。正義曰：括地志云：高陵故城在雍州高陵縣西。渭南有鹽官，渭北有咸陽宮。秦昭王欲通二宮之間，造橫長橋三百八十步。橋北有咸陽宮，秦昭王欲通二宮之間，造橫長

語班令其出，留曰：我與醜婦善，圖物容不出班。於是拱手與置其象於水上，唯有一骨以上。魏太祖馬見而驚，命後下之。而使宋昌先馳之長安。觀繇，白曰：至渭橋。蘇林曰：在長安北三里。索隱曰：三輔昭王通兩宮之間，作渭橋長三百八十步。又開中記云：石柱以柱為樹，扶風石柱以南屬京兆也。丞相以下皆迎。宋昌還報代王馳至渭橋，羣臣拜謁稱臣。代王下車拜太尉勃，進曰：願請間言。索隱曰：包愷空閒處語，顏師古云：間容也。猶言中間。請容暇之頃，當有所東不也。即論也。宋昌曰：所言公公言之。所言私王者不受。私太尉乃跪上天子。爾更符代王謝曰：至代邸而議之。索隱曰：說文云：邸，國舍也。遂馳入代邸。羣臣從至丞相陳平、太尉周勃、大將軍

陳武御史大夫張蒼示正劉郢漢書百官表曰宗

成王時影伯朱虛侯劉章東牟侯劉興居與客劉

揭皆再拜言曰子弘等皆非孝惠帝子不審奉

宗廟臣謹請與陰安侯蘇林曰高帝元伯妻列侯

項王后徐廣曰代項王劉仲之妻列侯

吳王故道蓋為項王也如淳曰項王后封陰安侯

時呂須為林光侯蕭何夫人亦為鄭侯又宗室表此時無陰

安知其為項王后也索隱曰按蘇林徐廣韋昭以為二人

封號而樂彥如淳以項王后別封陰安侯與漢祠令相會今

以陰安是別人封爵非也項王后是代項王后文帝之伯母

代王降為郢陽侯故云列侯琅邪王宗室大臣列

侯吏二千石議曰大王高帝長子宜為高帝嗣

願大王即天子位代王曰奉高帝宗廟重事也

寡人不佞不足以稱宗廟願請楚王計宜者

羣臣皆伏固請代王西鄉讓者三南鄉讓者再

丞相平等皆曰臣伏計之大王奉高帝宗廟最

宜稱雖天下諸侯萬民以為宜臣等為宗廟社

稷計不敢忽願大王幸聽臣等臣謹奉天子璽

符再拜上代王曰宗室將相王列侯以為莫宜

寡人寡人不敢辭遂即天子位羣臣以禮次侍

乃使太僕嬰與東牟侯興居清宮

應劭曰舊典天子行幸所至必

曰楚王名交高帝弟。索隱曰交高帝弟最

尊言更請楚王計宜者故下云皆為宜也寡人不敢當

道靜宮人先案行清靜殿中以虞非常。索奉天子法駕

隱曰按漢儀云皇帝起居索室清宮而後行。奉天子法駕

迎于代邸。索隱曰漢官儀云天子鹵簿有大駕法駕小駕

駕公卿不在鹵簿中惟京兆尹執金吾皇帝即日如入

未央宮乃夜拜宋昌為衛將軍鎮撫南北軍以

張武為郎中令行殿中還坐前殿於是夜下詔

書曰間者諸呂用事擅權謀為大逆欲以危劉

氏宗廟賴將相列侯宗室大臣誅之皆伏其辜

朕初即位其赦天下賜民爵一級女子百戶牛

酒蘇林曰男賜爵女子賜牛酒。索隱曰按封禪書云百戶

酺五日文穎曰漢律三人已上無故君手飲罰金四兩今詔

者布德大飲酒也出錢為醕出食為酺又按趙武靈王滅中山酺五日是其所起遠也

孝文皇帝元年十月庚戌徙立故琅邪王澤為

燕王辛亥皇帝即阼正義曰王謁高廟右丞相平

正義曰此徙為左丞相大尉勃為右丞相大將軍

灌嬰為太尉諸呂所奪齊楚故地皆復與之壬

子遣車騎將軍薄昭迎皇太后于代皇帝曰呂

產自置為相國呂祿為上將軍擅矯遣灌將軍

嬰將兵擊齊欲代劉氏嬰留滎陽弗擊與諸侯

合謀以誅呂氏呂產欲為不善丞相陳平與太

尉周勃謀奪呂產等軍朱虛侯劉章首先捕呂

氏

產等太尉身率襄平侯通持節承認入北軍典
客劉揭身奪趙王呂祿印益封太尉勃萬戶賜
金五千斤丞相陳平灌將軍嬰各邑各三千戶金
二千斤朱虛侯劉章襄平侯通東牟侯劉興居
邑各二千戶金千斤余廣曰十一月辛丑封典各揭為陽信
侯索隱曰韋昭云勃海縣正義曰括地志云陽信故城在滄州無棣縣東南二十里漢陽信縣賜金千
斤十二月上曰法者治之正也所以禁暴而率
善人也今犯法已論而使母罪之父母妻子同
產坐之及為收帑朕甚不取其議之有司皆曰
民不能自治故為法以禁之相坐坐收所以累

其心使重犯法所從來遠矣如故便上曰朕聞
法正則民懋罪當則民從且夫牧民而導之善
者夷也其既不能導又以不正之法罪之是反
害於民為暴者也何以禁之朕未見其便其孰
計之有司皆曰陛下加大惠德其盛非臣等所
及也請奉詔書除收帑諸相坐律令應劭曰帑子
有罪并坐其家正月有司言曰蚤建太子所以尊
宗廟請立太子上曰朕既不德上帝神明未歆
享天下人民未有嗛志索隱曰嗛者不滿之意也未
有嗛志言天下皆志不滿也漢書嗛作
慙音篋今縱不能博求天下賢聖有德之人而

禪天下焉。而曰：豫建太子，是重吾不德也。謂天

下何其安之。

索隱曰：言何以謂於天下也。其發聲也安者，徐也。言徐徐且待也。

有司曰：

豫建太子，所以重宗廟社稷，不忘天下也。上曰：

楚王季父也。春秋高，閱天下之義理多矣。

如淳曰：閱猶言多所更歷也。

明於國家之大體，吳王於朕兄也。惠仁

以好德，淮南王弟也。秉德以陪朕。

文穎曰：陪，輔也。豈其為

不豫哉？諸侯王宗室昆弟有功，臣多賢，及有德

義者，若舉有德以陪朕之不能終，是社稷之靈

天下之福也。今不選舉焉，而曰：必子人，其以朕

為忘賢有德者而專於子，非所以憂天下也。朕

甚不取也。有司皆固請曰：古者，躬罔有國治安

皆千餘歲。古之有天下者，莫不長。罔用此道也。

索隱曰：言古之有天下者，無長於立子，故云。昔之反焉。用此道者，用躬罔立子之道，故安治千有餘歲也。

立嗣

必子所從來遠矣。高帝親率士大夫，始平天下

建諸侯為帝者，太祖諸侯王及列侯，始受國者

皆亦為其國祖。子孫繼嗣，世世弗絕。天下之大

義也。故高帝設之，以撫海內。今釋官建而更選

於諸侯及宗室，非高帝之志也。更議，不宜。

索隱曰：言不宜更別議。

子其最長，純厚慈仁，請建以為太子上。乃

許之。因賜天下民當代父後者爵，各一級。韋昭

帝以立子為後不欲獨饗其福故賜天下為父後者爵封將軍薄昭為軹侯廣

曰正月乙巳也三月有司請立皇后薄太后曰諸侯皆同

姓立太子母為皇后索隱曰謂帝之子為諸侯王皆同姓姓生也言皆同母生故立太子

也母皇后姓竇氏上為立后故賜天下鰥寡孤獨

窮困及年八十已上孤兒九歲已下布帛米肉

各有數上從代來初即位施德惠天下填撫諸

侯四夷皆洽驩乃循從代來功臣上曰方大臣

之誅諸呂迎朕朕狐疑皆止朕唯中尉宋昌勸

朕朕以得保奉宗廟已尊昌為衛將軍其封昌

為壯武侯徐廣曰四月辛亥封封三十四年景帝中四年奪侯國除索隱曰韋昭云膠東縣正義曰

括地志云壯武故城在萊州即墨縣西六十里古萊夷國有漢引武縣故城諸從朕六人官

皆至九卿正義曰漢置九卿一曰太常二曰光祿三曰衛尉四曰太僕五曰廷尉六曰大鴻臚七曰宗正

八曰大司農九曰少府是為九卿也上曰列侯從高帝入蜀漢中者

六十八人皆益封各二百戶故吏二千石以上

從高帝潁川守尊等十人食邑六百戶淮陽守

申屠嘉等十人五百戶衛尉定等十人四百戶

封淮南王舅父趙兼為周陽侯正義曰括地志云周陽故城在絳州

間喜縣東二十九里齊王舅父駟鈞為清郭侯如淳曰邑名六國時齊有清郭

君清音靜索隱曰按表駟鈞封郭侯不同者蓋後徙封於郭郭屬鉅鹿秋封故常山丞相

蔡兼為樊侯索隱曰韋昭云樊東平縣名正義曰括地志云漢樊縣城在兗州瑕丘西南一十

五里地理志云樊縣人。或說右丞相曰君亡本誅諸呂。

迎代王。今又矜其功，受上賞，處尊位，禍且及身。

右丞相勃乃謝病免，罷左丞相平。專為丞相。

相中

二年十月丞相平卒，復以絳侯勃為丞相。上曰：

朕聞古者諸侯建國，千餘歲，各守其地，以時入

貢，民不勞苦，上下驩欣，靡有遺德。今列侯多居

長安，邑遠，吏卒給輸費苦，而列侯亦無由教訓

其民。正義曰：馴，古訓字。其令列侯之國為吏，又詔所止者

遣太子。張晏曰：為吏謂以卿大夫為兼官者，詔所止特以恩愛見留者。十一月晦，日有

食之。正義曰：按說文云：日蝕則朔月蝕。則望而云晦日蝕之功，昏錯誤。十二月望，日有

食。徐廣曰：此云望日，又食案漢書及五行志無此日食文也。一本作月食，然史書不紀月食。上曰：朕聞

之天生蒸民，為之置君，以養治之。人主不德，布

政不均，則天示之以菑，以誠不治。乃十一月晦，

日有食之，適見于天，菑孰大焉！朕獲保宗廟，以

微眇之身託于兆民，君王之上天下治，亂在朕

一人。唯二三執政猶吾股肱也。朕下不能理育

羣生，上以累三光之明，其不德大矣。令至其悉

思朕之過失，及知見思之所不及，白以告朕，及

舉賢良方正，能直言極諫者，以匡朕之不逮。因

各飭其任職務省繇費以便民朕既不能遠德

故憫然念外人之有非漢書音義曰憫然猶介然也非苛非也。索隱曰蘇林云憫寢視不安之貌蓋近其意餘說皆疎音下核反是以設備未息今縱不能

罷邊屯戍而又飭兵厚衛其罷衛將軍軍太僕

見馬遺財足索隱曰遺猶留也財字與纒同言太僕見在之馬今留纒足充事也餘皆

以給置傳索隱曰按廣雅云置驛也續漢書云驛馬三十二里二置故樂彥亦云傳置一也言乘傳者以傳

次受名乘置者以馬取匹傳音丁戀反如淳云律四馬高足為傳置四馬中足為馳置下足為乘置一馬二馬為軺置急

乘一馬應劭曰古正月上曰農天下之本其開籍田應劭曰古

籍田千畝為天下先籍者帝王典籍之常韋昭曰籍借也借臣力以治之以奉宗廟且以勸率天下使務農也瓚曰景帝

詔曰朕親耕后親桑為天下先本以躬親為義不得以假借為稱也籍籍也朕親率耕以給

宗廟采盛應劭曰黍稷曰采在器中曰盛三月有司請立皇子為

諸侯王上曰趙幽王幽死朕甚憐之已立其長

子遂為趙王遂弟辟彊及齊悼惠王子朱虛侯

章東牟侯興居有功可王乃立趙幽王少子辟

彊為河間王以齊劇郡立朱虛侯為城陽王立

東牟侯為濟北王皇子武為代王子參為太原

王子揖為梁王上曰古之治天下朝有進善之

旌應劭曰旌幡也堯設之五達之道令民進善也如淳曰欲有進善者立於旌下言之誹謗之木虞

日堯作之橋梁交午柱頭應劭曰橋梁邊板所以書政治之愆失也至秦去之今乃復施也。索隱曰按尸子云堯立誹謗之木誹音非亦音沸韋昭云慮政有闕失使書於木此堯時然也後代因以為飾今宮外橋梁頭四柱木是鄭玄註禮

云一縱一橫為午謂以木貫表柱四出即今之華表崔浩以
 為木貫柱四出名桓陳楚俗桓聲近和又云和表則華與和
 又相訛也所以通治道而來諫者今法有誹謗妖言
 之罪是使眾臣不敢盡情而上無由聞過失也
 將何以來遠方之賢良其除之民或祝詛上以
 相約結而後相謾漢書音義曰民相結共祝詛上也謾者而後謾而止之不畢祝詛也○索隱曰韋昭云謾相抵闕也說文云謾欺也謂初相約共行祝後相欺詐中道而止之也吏以為大逆
 其有他言而吏又以為誹謗此細民之愚無知
 抵死朕甚不取自今以來有犯此者勿聽治九
 月初與郡國守相為銅虎符竹使符應劭曰銅虎符第一至第五張晏曰符以代
五國家當發兵遣使者至郡合符符合乃聽受之竹使符皆以竹箭五枚長五寸鐫刻篆書第一至第五張晏曰符以代

古之珪璋從簡易也○索隱曰漢舊儀銅虎符發兵長六寸竹使符出入徵發說文云符分而合之小類云右留京師左與之古今註云銅虎符銀錯書之張晏云銅取其同心也

三年十月丁酉晦日有食之十一月上曰前日

計遣列侯之國或辭未行丞相朕之所重其為

朕率列侯之國絳侯勃免丞相就國以太尉穎

陰侯嬰為丞相罷太尉官屬丞相四月城陽王

章薨淮南王長與從者魏敬殺辟陽侯審食其

五月匈奴入北地居河南為寇帝初幸甘泉蔡邕

曰天子車駕所至民臣以為僥倖故曰幸至見令長三老官屬親臨軒作樂賜食帛越巾刀佩帶民爵有級數或賜田租之半故因是謂之幸○索隱曰應劭云甘泉宮各在雲陽一各林光臣贊云甘泉山各林光秦離宮各又碩氏按邢承宗

云一縱一橫為午謂以木貫表柱四出即今之華表崔浩以
為木貫柱四出名桓陳楚俗桓聲近和又云和表則華與和
又相訛也。所以通治道而來諫者。今法有誹謗妖言
之罪。是使眾臣不敢盡情而上無由聞過失也。
將何以來遠方之賢良。其除之。民或祝詛。上以
相約結而後相謾。漢書音義曰民相結共祝詛上也謾者而後謾而止之不畢祝詛也。○索隱曰韋昭云謾相抵闕也說文云謾欺也謂初相約共行祝後相欺誑中道而止之也。吏以為大逆
其有他言而吏又以為誹謗此細民之愚無知
抵死朕甚不取自今以來有犯此者勿聽治九
月初與郡國守相為銅虎符竹使符。應劭曰銅虎符第一至第五張晏曰符以代
五國家當發兵遣使者至郡合符符合乃聽受之竹使符皆以竹箭五枚長五寸鐫刻篆書第一至第五張晏曰符以代

古之珪璋從簡易也。○索隱曰漢舊儀銅虎符發兵長六寸竹使符出入徵發說文云符分而合之小類云右留京師左與之古今註云銅虎符銀錯書之張晏云銅取其同心也

三年十月丁酉晦日有食之十一月上曰前日
計遣列侯之國或辭未行丞相朕之所重其為
朕率列侯之國絳侯勃免丞相就國以太尉潁
陰侯顛參為丞相罷太尉官屬丞相四月城陽王
章薨淮南王長與從者魏敬殺辟陽侯審食其
五月匈奴入北地居河南為寇帝初幸甘泉

曰天子車駕所至民臣以為僥倖故曰幸至見令長三老官屬親臨軒作樂賜食帛越中刀佩帶民爵有級數或賜田租之半故因是謂之幸。○索隱曰應劭云甘泉宮各在雲陽各林光臣贊云甘泉山各林光秦離宮名又碩氏按邢承宗

西征賦註云甘泉水各分按因地六月帝曰漢與匈奴

約為昆弟毋使害邊境所以輸遺匈奴甚厚今

右賢王離其國將眾居河南降地非常故往來

近塞捕殺吏卒驅保塞蠻夷令不得居其故陵

轢邊吏入盜甚敖無道非約也其發邊吏騎八

萬五千詣高奴遣丞相潁陰侯灌嬰擊匈奴匈

奴去發中尉漢書曰百官表材官屬衛將軍軍長安

辛卯帝自甘泉之高奴因幸太原見故羣臣皆

賜之舉功行賞諸民里賜牛酒復晉陽中都民

正義曰故城在汾州平遙縣西南十三里三歲留游太原十餘日濟北王

興居聞帝之代欲往擊胡乃反發兵欲襲滎陽

於是詔罷丞相兵遣棘蒲侯陳武為大將軍將

十萬往擊之祁侯賀徐廣曰姓縉以文帝十一年卒諡

賁姓縉縉古國夏同姓也正義曰括地志云并州祁縣城晉大夫祁奚之邑為將軍軍滎陽

七月辛亥帝自太原至長安西詔有司曰濟北

王背德反上誑誤吏民為大誅濟北吏民兵未

至先自定及以軍地邑降者比日赦之復官爵與

王興居去來亦赦之徐廣曰乍六年來也駟案張晏八

月破濟北軍虜其王赦濟北吏民與王反者

六年有司言淮南王長廢先帝法不聽天子詔

西征賦註云甘泉水名今按因地有甘泉以名山則山水皆通也六月帝曰漢與匈奴

約為昆弟毋使害邊境所以輸遺匈奴甚厚今

右賢王離其國將眾居河南降地非常故往來

近塞捕殺吏卒驅保塞蠻夷令不得居其故陵

轅邊吏入盜甚敖無道非約也其發邊吏騎八

萬五千詣高奴遣丞相潁陰侯灌嬰擊匈奴匈

奴去發中尉漢書曰百官表曰中尉秦官材官屬衛將軍軍長安

辛卯帝自甘泉之高奴因幸太原見故羣臣皆

賜之舉功行賞諸民里賜牛酒復晉陽中都民

正義曰故城在汾州平遙縣西南十三里三歲留游太原十餘日濟北王

興居聞帝之代欲往擊胡乃反發兵欲襲滎陽

於是詔罷丞相兵遣棘蒲侯陳武為大將軍將

十萬往擊之祁侯賀徐廣曰姓縉以文帝十一年卒諡曰敬○索隱曰漢書音義祁音達為將軍軍滎陽

賀姓縉縉古國夏同姓也○正義曰括地志云并州祁縣城晉大夫祁奚之邑為將軍軍滎陽

七月辛亥帝自太原至長安西詔有司曰濟北

王背德反上誑誤吏民為大誹濟北吏民兵未

至先自定及以軍地邑降者比日赦之復官爵與

王興居去來亦赦之徐廣曰乍去乍來也○駟案張晏曰雖始與興居反今降赦之八

月破濟北軍虜其王赦濟北吏民與王反者

六年有司言淮南王長廢先帝法不聽天子詔

居處母度出入擬於天子擅為法令與棘蒲侯
太子竒謀反遣人使閩越及匈奴發其兵欲以
危宗廟社稷羣臣議皆曰長當棄市帝不忍致
法於王赦其罪廢勿王羣臣請處王蜀嚴道都
徐廣曰漢書本或作却字或直云中棘山。正義我曰其恭反括地志
云嚴道今為縣即中棘山也。縣有蠻夷曰道故曰嚴道
中郡縣本都國漢為縣今雋州也西南夷傳云滇池以北君
長以十數中郡最大是也。按羣臣請處淮南王長蜀之嚴道
不爾更遠中郡西有中棘山也。又云中棘山在雅州榮經
縣界榮經武德年間置本秦嚴地華陽國志云中棘山故中
人狹人界也。山巖峭峻曲回九折乃至上下有疑水按即王
尊登者也今從九折西南行至雋
帝許之長未到處所
行病死上憐之後十六年追尊淮南王長謚為

厲王立其子三人為淮南王安不隱曰名安衡山王

索隱曰名勃廬江王索隱曰名賜

十三年夏上曰蓋聞天道禍自怨起而福繇德
興百官之非宜由朕躬今祕祝之官移過于下

應劭曰祕祝之官移過以彰吾之不德朕甚不取其

除之五月齊太倉令淳于公君罪當刑索隱曰名

倉令故謂詔獄逮徙繫長安太倉君公無男有女五

人太倉公將行會逮罵其女曰生子不生男有

緩急非有益也其少女緹縈亦不隱曰緹音啼自傷

泣乃隨其父至長安上書曰妾父為吏齊中皆

之倉公也

稱其廉平今坐法當刑妾傷夫死者不可復生
刑者不可復屬雖復欲改過自新其道無由也
妾願沒入為官婢贖父刑罪使得自新書奏天
子天子憐悲其意乃下詔曰蓋聞有虞氏之時
畫衣冠異章服以為儻正義曰晉書刑法志云二皇
而民知禁犯黥者皂其中犯劓者丹其
宮者雜其履大辟之罪殊刑之極布其衣服
於市與而民不犯何則至治也今法有肉刑三
曰約法三章無肉刑文帝則有肉刑孟康曰黥劓二左右趾
合一九三。索隱曰章昭云劓趾黥劓之屬出佳浩漢律序云
文帝除肉刑而官不易張斐註而茲不止其各安在抹
云以淫亂人族類故不易之也
乃朕德薄而教不明歟吾甚自愧故夫馴道不

純而愚民陷焉詩曰愷悌君子民之父母今人
有過教未施而刑加焉或欲改行為善而道毋
由也朕甚憐之夫刑至斷支體刻肌膚終身不
息何其楚痛而不德也豈稱為民父母之意哉
其除肉刑上曰農天下之本務莫大焉今勤身
從事而有租稅之賦是為本末者毋以異李奇曰本
農也末賈也言農與賈俱
出租無異也故除田租
田之租稅

十四年冬匈奴謀入邊為寇攻朝那塞殺北地
都尉印徐廣曰姓孫封其子
單為餅侯匈奴所殺上乃遣二將軍軍隴西

北地上郡中尉周舍為衛將軍郎中令張武為
車騎將軍軍渭北車千乘騎卒十萬帝親自勞
軍勒兵申教令賜軍吏卒帝欲自將擊匈奴羣
臣諫皆不聽皇太后固要帝如淳曰必不
得自征也帝乃止
於是以前東陽侯張相如為大將軍成侯赤徐廣
曰姓
董也為內史欒布為將軍擊匈奴匈奴遁走春上
曰朕獲執犧牲珪幣以事上帝宗廟十四年于
今歷日縣長以不敏不明而久撫臨天下朕甚
自愧其廣增諸祀瑋瑋場珪幣昔先王遠施不求
其報望祀不祈其福右賢左戚韋昭曰右猶高左猶
下也○索隱曰劉德

三先賢
後親也先民後已至明之極也今吾聞祠官祝釐

如淳曰釐福也賈誼傳受釐
坐宣室○索隱曰音禧福也皆歸福朕躬不為百姓朕

甚愧之夫以朕不德而躬享獨美其福百姓不

與焉是重吾不德其令祠官致敬毋有所祈是

時北平侯張蒼為丞相方明律歷魯曾人公孫臣

上書陳終始傳五德事索隱曰五行之德帝王相承
傳易終而復始故云終始傳

五德之事
傳音轉也言方今土德時土德應立黃龍見當改正

朔服色制度天子下其事與丞相議丞相推以

為今水德始明正十月上黑事以為其言非是

請罷之

十五年黃龍見成紀韋昭曰成紀縣屬天水天子乃復召魯

公孫臣以為博士申明土德事於是上乃下詔

曰有異物之神見于成紀無害於民歲以有年

朕親郊祀上帝諸神禮官議毋諱以勞朕漢書曰音義

曰言無所諱勿以朕為勞有司禮官皆曰古者天子夏躬親禮

祀上帝於郊故曰郊於是天子始幸雍郊見五

帝以孟夏四月荅禮焉趙人新垣平以望氣見

只說上設立渭陽五廟韋昭曰必出周鼎當有

玉瑞應圖云玉英天見五帝並修則見

上親郊見渭陽五帝廟亦以夏荅禮而

尚赤

十七年得玉杯應劭曰新垣平詐令人獻之刻曰人主延壽於是

天子始更為元年索隱曰秦本紀惠文王十四年更為元年又叔冢竹書魏惠王亦有後元

當取法於此又按封禪書以新垣平候日再中故改元也今天下大酺其歲新垣

平事覺夷三族後二年上曰朕既不明不能遠

德是以使方外之國或不寧息夫四荒之外不

安其生索隱曰頤胤按爾雅孤竹北封畿之內勤勞

不處二者之名皆自於朕之德薄而不能遠達

也間者累年匈奴並暴邊境多殺吏民邊臣兵

吏又不能諭吾內志以重吾不德也夫久結難

連兵中外之國將何以自寧。今朕夙興夜寐，勤勞天下，憂苦萬民，為之恒惕不安。未嘗一日忘於心。故遣使者冠蓋相望，結軼於道。韋昭曰：使轍如結也。相如曰：結軼，還轍。索隱曰：軼，氏軼音逸。漢書作轍。顧氏按：司馬彪云：結謂車轍回於錯結也。以諭朕意於單于。今單于反古之道，計社稷之安便，萬民之利親，與朕俱棄細過，借之大道，結兄弟之義，以全天元。元元之民，索隱曰：戰國策云：制海內，云二元元善也。又按：姚察云：古者謂人二元善人，也因善為元。故云黎元其言元元者，非一人也。顧野一云：二元元，猶嗚嗚可憐。愛貌未安其說，聊記異也。和親已定，始于今年。後六年冬，匈奴三萬人入上郡，三萬人入雲中，以中大夫令勉。

徐廣曰：衛尉改名也。如淳案：漢書百官表，景帝初改衛尉為中大夫。今非此年也。志：爾隱曰：中大夫令是官號，勉其名。後止官改為光祿勳，虞出此用。以此稱中大夫令是史家追書耳。顏遊秦以令是姓，勉是夕口為中大夫，據風俗通令姓令尹子文之後，為車騎將軍，果飛狐。如淳曰：在代郡。蘇林曰：在上黨。故楚相蘇意為將軍，軍向注。應劭曰：山險名也。鴈門陰館。索隱曰：伏儼句音俱包，豈音鉤也。將軍張武屯北地，河內守周亞夫為將軍，居細柳。

徐廣曰：在長安西。如淳曰：長安圖細柳倉在渭北近石。徵張揖曰：在昆明池左。今有柳市是也。索隱曰：按三輔故事，細柳在直城門外。如淳曰：宮西。北維又句。傳云：細柳在長安西。如淳云：在渭北非也。宗正劉禮為

將軍，居霸上，祝茲侯。徐廣曰：表作松。茲侯姓徐名悍。軍棘門。徐廣曰：在渭北。

駟案：孟康曰：在長安北。秦時宮門也。如淳曰：三輔黃圖，棘門在橫門外。以備胡。數月，胡人

去，亦罷。天下旱蝗，帝加惠，令諸侯毋入貢，弛山

澤其常禁以利民減諸服御狗馬損郎吏負發倉

庾應劭曰水漕倉君曰出庚胡公曰在邑曰倉君在野曰庾。索隱曰身璞註三蒼君之至與倉無屋也胡公名廣後漢太尉作漢

官解以振貧民民得賣爵索隱曰崔浩云富人欲爵貧人欲錢故聽買賣孝

文帝從代來即位二十二年宮室苑囿狗馬服

御無所增益有不便輒弛以利民嘗欲作露臺

徐廣曰露臺作靈臺口去不隱曰顧氏按新豐南驪山上猶有古臺之舊趾也召匠計之直百金

上曰白金中民十家之產吾奉先帝宮室常恐

羞之何以臺為如淳曰賈誼云身衣卑緜所幸慎

夫人令衣不得由地幃帳不得文繡以示敦朴

為天下先治霸陵皆以瓦器不得以金銀銅錫

為飾不治墳欲為省毋煩民南越之王尉佗自立

為武帝然上召責尉佗兄弟以德報之佗遂去

帝稱臣與匈奴和親匈奴背約入盜然令邊備

守不發兵深入惡煩苦百姓吳王詐病不朝就

賜几杖羣臣如表奏等稱說雖以常假借用之

蘇林曰假音休假借音以物借人羣臣如張武等受賂遺金錢覺

上乃發御府金錢賜之以愧其心弗下吏專務

以德化民是以海內殷富興於禮義後七年六

月己亥帝崩於未央宮徐廣曰年四十七詔曰朕聞蓋

天下萬物之萌生靡不有死死者且天地之理物

之自然者矣。可甚哀。當今之時，世咸嘉生而惡死，厚葬以破業，重服以傷生，吾甚不取。且朕既不德，無以佐百姓。今崩，又使重服，朕臨以離寒暑之數，哀人之父子，傷長幼之志，損其飲食，絕鬼神之祭祀，以重吾不德也。謂天下何朕獲保宗廟，以眇眇之身託于天下君之上，二十有餘年矣。賴天地之靈，社稷之福，方內安寧。方也。內中。也。徐廣曰：一云方。方。借云中外也。朕既不敏，常畏過行，以羞先帝之遺德。維年之久，長懼于不終。今乃幸以天年得復，供養于高廟，朕之不明。

與嘉之。如淳曰：與發聲也。得幸天年曰善矣。其矣哀悲之。有其令夫

下吏民令到出臨三日，皆釋服。毋禁取婦嫁女

祠祀，飲酒食肉者，自當給喪事。服臨者皆無踐

服。虞曰：踐，翦也。謂無斬衰也。孟康曰：踐，踐也。晉灼曰：漢語作跣，跣，徒跣也。索隱曰：漢語是書名。荀爽所作。經帶

無過三寸。毋布車及兵器。應劭曰：無以布衣車及兵器也。不施輕車介士也。

毋發人男女哭。臨宮殿，宮殿中當臨者皆以旦

夕各十五舉聲。禮畢，罷非旦夕。臨時禁毋得擅

哭。已下服大紅十五日，小紅十四日，緘七日，釋

服。服虞曰：當言大功小功布也。緘，細布也。應劭曰：紅者，中祥大祥，以紅為領，綠也。緘者，禫也。凡二十六日而釋服。索隱曰：已下謂極已下。於壙劉德云：紅功也。男功非一故以工力為字。而女工唯在於絲，故以系工。西字二十六日，以日

史記卷之四十一

也易月佗不在令中者皆以此令比率從事布告

天下使明知朕意霸陵山川因具故應劭曰因山

賈山下川流不竭絕也就其水名以為號毋有所

改歸夫人以下至少使應劭曰夫人以下有美人良人

遣歸家重令中尉亞夫為車騎將軍屬國悍徐廣

絕人類也為將屯將軍李奇曰馮奉世為

郎中令武為復土將軍如淳曰土突廣

發近縣見李萬填塞事者索

六千人發內史卒萬五千人索隱曰百官表云內史

藏郭穿復土屬將軍武乙漢書云乙已葬

去長安七十里羣臣皆頓首上尊號曰孝文皇帝太子即
位于高廟丁未龍襲號曰皇帝孝景皇帝元年十

月制詔御史孟聞古者祖有功而宗有德應劭曰

者所以發德也舞者所以明功也高廟酌張晏曰

始五行之舞作酒八月成名酌之言純也至武帝時因

奏武德文八月嘗爵會諸帝酌中出金助祭所謂酌金也

始五行之舞樂志文始舞本係韶舞高祖更名文始示不祖襲五行舞本

者其樂摠象武周武舞秦始皇武工樂言高祖以武定天下既

五行五行即武樂之始先奏文此以羽籥簫衣文繡居先次即奏

孝惠廟酌不相襲其作

奏文始五行之舞孝文皇帝臨天下通關梁不

異遠方張晏曰孝文十二年除關不用傳令遠近若除誅謗去肉刑賞賜

長老收恤孤獨以育羣生減嗜欲不受獻徐廣曰減

一作不私其利也罪人不怒蘇林曰刑不及妻子不誅無罪

除肉刑出美人重絕人之世朕既不敏不能識

此皆上古之弘以不及而孝文皇帝親行之德厚

侔天地李奇曰侔齊等利澤施四海靡不獲福焉明象乎

日月而廟樂人稱朕甚懼焉其為孝文皇帝廟

為昭德之舞文穎曰景帝采高祖武德舞作昭德舞舞之於文帝廟見禮樂志以明休

德然後祖宗之功德著於竹帛施於萬世永永

無窮朕甚嘉之其與丞相列侯中二千石禮官

具為禮儀奏丞相臣嘉等言陛下永思孝道立

昭德之舞以明孝文皇帝之盛德皆臣嘉等愚

所不及臣謹謹陳其功莫大於高皇帝德莫盛於

孝文皇帝高皇帝廟宜為帝者太祖之廟孝文皇

帝廟宜為帝者太宗之廟天子宜世世獻祖宗

之廟郡國諸侯宜各為孝文皇帝立太宗之廟

諸侯王列侯出使者侍祠天子歲獻祖宗之廟張晏

曰王及列侯歲時遣使詣京師侍祠助祭也如淳曰若光武廟在章陵南陽太守稱使者往祭是也不使侯王祭者諸侯

不得祖天子也凡臨請著之竹帛宣布天下制曰可

祭祀宗廟皆為侍祭

太史公曰孔子言必世然後仁孔安國曰三十年曰世如有受命王者必

三十年仁善人之治國百年亦可以勝殘去殺王

政乃成曰勝殘暴之人使不誠哉是言漢興至孝文四十有

為惡去殺不用殺也餘載德至盛也廩廩鄉改正服封禪矣謙讓未

成於今嗚呼豈不仁哉

索隱述贊曰

孝文在代

兆遇大橫

宋昌建策

絳侯奉迎

南面而讓

天下歸誠

務農先籍

布德偃兵

除帑削謗

政簡刑清

緋衣率俗

露臺不營

法寬張武

獄恤緹縈

霸陵如故

千年頌聲

史伍阡陸伯恭拾玖字

註肆阡肆伯柒拾伍字

孝文本紀第十

史記十

孝景本紀第十一

史記十一

孝景皇帝者

漢書音義曰諱啓曰謚法曰絲義而濟曰景

口正義

孝文之中子

也母竇太后孝文在代時前后有二男及竇太后得幸前后死及三子更死故孝景得立

元年四月乙卯赦天下乙巳賜民爵一級五月

除田半租為孝文立太宗廟及令羣臣無朝賀匈奴

奴入代與約和親

二年春封故相國蕭何孫恢為武陵侯

徐廣曰漢書亦作係

鄒誕上本作係音奚又案漢書功西一表及蕭何傳皆云孫嘉疑其人有一各一云隱註同

男子二十而

得傳

索隱曰音附荀悅云傳正卒也小

四月壬午孝文

太后崩

素隱曰薄后也葬于廣川長沙王皆之國

素隱曰廣川王彭祖長沙王發

皆景帝子遣就國

丞相申屠嘉卒八月

御史大夫開封侯陶青為丞相

彗星出東北秋衡山雨

宵

正義曰雨于什反

大者五寸深者二尺熒惑逆行守北

辰月出北辰間歲星逆行天廷中置南陵及內

史殺羽為縣

徐廣曰地理志文帝七年置駟案地理志百官表南陵縣文帝置也分內史為左右及殺羽為縣皆景帝二年不得皆如徐所云索隱曰鄒誕生殺音都會反又音丁活反羽音羽又音詔

三年正月乙巳赦天下長星出西方天火

徐廣曰漢志無

燔維陽東宮大殿城室

徐廣曰維一作淮。索隱曰漢書作淮陽王宮災故徙王

吳王濞

正義曰音披備反高祖兄仲子故漢高祖十

於魯也

二年封二十二年反年表云都吳其實在江

楚王戊

正義曰高祖弟

趙王遂

正義曰高祖弟

膠西王卬

正義曰卬五郎反高祖弟齊悼惠王

濟南王辟光

正義曰辟音壁高祖弟齊悼惠王

菑川王賢

正義曰高祖弟齊悼惠王

膠東王雄渠

正義曰高祖弟齊悼惠王

反發兵

西鄉天子為誅晁錯遺表矣

梁上乃與大將軍竇嬰太尉周亞

夫將兵誅之六月乙亥赦三軍及楚元王子

等與甘反者封大將軍竇嬰為

正義曰梁孝王都睢陽今宋州

正義曰赦云魚與反字亦作藝音同

魏其侯

正義曰也地理志云魏其屬琅邪

楚元王子平陸侯

正義曰應劭云平陸

西河縣

劉禮為楚王

索隱曰韋昭云平陸西河縣禮即向之從曾祖正父也

立

皇子端為膠西王子勝為中山王徙濟北王志

正義曰濟子禮反濟北國人所都

為菑川王淮陽王餘正義曰濟州盧縣即濟北王所都

日淮陽國

為魯王

正義曰今充州曲阜縣

汝南王非

正義曰汝南國今豫州

為江都王

正義曰江都國今揚州也吳王濞所都

齊王

將廬

正義曰齊國青州臨淄也將廬齊悼惠王之孫襄王之子年表云

燕王嘉皆薨

徐廣曰表云五年薨口索隱曰廬悼惠王孫齊王襄之子漢書作問去嘉劉澤之子

四年夏立太子立皇子徹為膠東王六月甲戌

赦天下後九月更以七陽為陽陵

正義曰括地志云漢景帝陵也

在雍州咸陽縣東三十一里按杜作壽陵也復置津關用傳出

應劭曰帝十二年

除關無用傳至此復置傳以七國新反備非常也張晏曰傳信也若今過所也如淳曰傳音檄傳而傳兩行者音繒帛分持

其一出入關合之乃得過謂之傳索隱曰傳音丁恋反冬以趙國為邯鄲郡地

志趙國景帝以為邯鄲郡

五年二月作陽陵

索隱曰景帝豫作壽陵也按趙系家趙肅侯十五年起壽陵後代因之也

渭橋五月募徙陽陵予錢二十萬江劫即大暴風

從西方來壞城十二丈丁卯封長公主子嬌為

隆慮侯

索隱曰音日林間避殤帝諱改之

徙廣川王為趙王

六年春封中尉趙綰為建陵侯

正義曰括地志云建陵故縣在沂州

承縣江都丞相嘉徐廣曰姓程為建平侯隴西太守渾

邪為平曲侯

正義曰括地志云平曲縣故城在瀛州文安縣北七十里

趙丞相嘉

徐廣

曰姓

為江陵侯故將軍布為郇侯梁楚二王皆

薨後九月伐馳道樹殖蘭池

徐廣曰殖一作真○正義曰按馳道天子秦始皇

皇作之丈而樹

七年冬廢栗太子為臨江王

正義曰臨江中州縣雖王臨仇而如卬陵

十

二月晦日有食之春免徒隸作陽陵者丞相青

免二月乙巳以太尉條侯

正義曰條田彫一及字亦作條音同

周亞

夫為丞相四月乙巳立膠東王太后為皇后

索隱

曰按系家太后槐里人父仲兄信封蓋侯后故金氏妻女弟姁兒也

丁巳立膠東王為太

子名徹

中元年封故御史大夫周勃可孫平

徐廣曰一作應○索隱曰詩周

昌之為繩侯故御史大夫尚昌子左車為安陽

侯四月乙巳赦天下賜爵一級除禁錮地動衡

山原都雨雹大者尺八寸

中二年二月匈奴入燕遂不和親三月召臨江

王來即死中尉府中夏王告王子越為廣川王子

寄為膠東王封四侯

文穎曰楚相張尚太傅趙夷吾趙相建德內史王悍此四人各諫其

王無使反不聽皆殺之故封其子○索隱曰韋昭云張尚子當居趙夷吾子周建德子橫王悍子奔九月甲

戌日食

中三年冬罷諸侯御史中丞春匈奴王二人率

其徒來降皆封為列侯

正義我曰漢書表云中三年安

谷戎侯徐慮易侯僕日范陽侯代翁侯邯鄲七人以匈奴立

皇子方乘為清河王二月彗星出西北丞相周

亞夫死以御史大夫桃侯劄舍為丞相四月地

動九月戊戌晦日食軍東都門外按三輔黃圖東

宣平門外曰東都門○索隱註同

中四年二月置德陽宮

贊曰是景帝廟也帝自作之

云景帝廟大蝗秋赦徒作陽陵者

中五年夏立皇子舜為常山王封十侯

正義我曰惠

云亞王侯盧他之龍盧侯陳留嬌乘氏侯劉買相邑侯劉明

蓋侯王信按其五人是中元五年封餘檢不獲中元三年匈奴王二人降封為列侯惠景間表云匈奴王六月丁巳赦

天下賜爵一級天下大潦更命諸侯丞相曰相

秋地動

中六年二月巳卯行幸雍郊見五帝三月雨雹

四月梁孝王

正義我曰都睢陽今宋州

城陽共王

正義我曰城陽今僕州雷澤縣古城陽

也共音恭蓋法嚴敬故事曰恭

汝南王皆蒙立梁孝王子明為濟

川王

正義我曰表云

子彭離為潯東王

正義我曰表云

子定

為山陽王

正義我曰地理志云景帝中六年別為山陽國屬兗州

子不識為濟陰

王

正義我曰地理志云景帝中六年別為濟陰國屬兗州案今曹州是也

梁分為五封四侯

更命廷尉為大理將作少府為將作大匠主爵

中尉為都尉

漢書百官表曰主爵中尉秦官掌列侯

長信詹事

漢書百官表曰

詹事秦官掌皇后太子家應劭曰詹事也給也贊曰茂陵書詹事秩二千石

為長信少府

張晏

曰以太右所居宮為名長信宮則曰長信少府長樂宮則曰長樂少府

將行為大長秋

書

百官表曰將行秦官

大行為行人

服虔曰天子死未有諡稱大行晉灼曰禮有大

應劭曰長秋皇后卿

行小行主謚官故以此名之如海曰不反之辭也贊曰大行是官名掌九儀之制以賓諸侯

公侯伯子男爵者四

奉常為太常

漢書百官表曰奉常秦官掌宗廟禮儀

典客為大行

索隱曰韋昭云大行官名秦時云典客景帝初改云大行後更名大鴻臚武帝因而不改

故漢書景紀有大鴻臚百官表又云武帝改名大鴻臚臚附也以言其掌四夷賓客若皮臚之在外附於身也復有大行

令故諸侯薨死大鴻臚奏謚列侯薨死則大行奏誄按大行令即鴻臚之屬官也

治粟內史為大

農

漢書百官表曰治粟內史秦官掌穀貨也

以大內為二千石

韋昭曰大內京師府藏

置左右內官屬大內

索隱曰天子之私財曰大內小內小內即大內也

七月

辛亥日食八月匈奴入上郡

後元年冬更命中大夫為衛尉

正義曰漢書百官表云衛尉秦官掌宮闈

門衛也兵景帝初更名中大夫分後元年復為衛尉

三月丁酉赦天下賜爵一

級中二千石諸侯相爵右庶長四月大酺五月

丙戌

徐廣曰丙一作甲地動其蚤食時復動上庸地動二

十二日壞城垣七月乙巳日食丞相劉舍免八

月壬辰以御史大夫綰為丞相封為建陵侯

索隱曰姓

後二年正月地一日三動郅將軍

正義曰郅真粟反郅都傳云匈

牧刻木為郵擊手匈奴怒酬五日令內史郡不得食馬

都而射不中粟沒入縣官令徒監祿衣七緡布正義曰衣於既反

止馬春索隱曰止人為馬春粟為歲不登也為歲不

登禁天下食不造歲成省列侯遣之國晉灼曰文紀

省之今又三月匈奴入雁門十月租長陵田大旱衡

山國河東雲中郡正義曰衡山國今衡州河東今蒲州雲中郡今勝州民疫

後三年十月日月食食赤五日十二月晦雷徐

曰一作雷字又作日黑此系五星逆行守太微月貫

天庭中索隱曰天庭即龍星右角也按石氏星傳曰龍在左角曰天田右角曰天廷正月甲

寅皇太子冠甲子孝景皇帝崩皇甫謐曰帝以孝惠七年生年四十

八遺詔賜諸侯王以下至民為父後爵一級天

下戶百錢出宮人歸其家復無所與太子即位

是為孝武皇帝漢書云二月癸酉帝葬陽陵皇甫謐曰

四十五里三月封皇太后弟蚡蘇林曰蚡音殿○索隱曰蚡音扶粉反按外戚世家皇太后

為武安侯弟勝為周陽

侯置陽陵

太史公曰漢興孝文施大德天下懷安至孝景

不復憂異姓而晁錯刻削諸侯遂使七國俱起

合從而西鄉以諸侯大盛而錯為之不以漸也

及主父偃言之而諸侯以弱卒以安索隱曰主父偃上言今天

子下推恩之令今諸侯各得分安危之機豈不以哉邑其子弟於是遂弱卒以安也

索隱曰景帝即位因脩靜默勉人於農
率下以德制度斯創禮法可則一朝吳楚乍
起凶匪忘提局成豐拒輪致惑晁錯雖誅梁城
未克倏侯出將追奔逐北坐見島刺立前車
賊如何太尉後卒下獄惜哉明君斯功不錄

孝景本紀第十一

史記十一

孝武本紀第十二

史記十二

太史公自序曰作今上本紀又其述事皆云今上
今天子或有言孝武帝者悉後人所定也張晏曰
武紀褚先生補作也褚先生名少孫漢博士也
索隱曰按褚先生補史記合集武帝事以編年今
止取封禪書補之信其才之博也又張晏云褚先
生穎川人仕元成間韋稜云褚顛家傳褚少孫梁
相褚大弟之孫宣帝時為博士寓居于沛事大儒
王式故號為先生續太史公書阮季緒亦以為然
孝武皇帝者漢書音義曰皆呼徹○正義孝景中子也

索隱曰按景十三王傳廣川王已上皆是武帝兄
自河間王德以至廣川凡有八人則帝第九也母曰王

太后孝景四年以皇子為膠東王孝景七年栗

太子廢為臨江王以膠東王為太子孝景十六

年崩太子即位為孝武白圭帝張晏曰武帝以景帝元
年生七歲為太子為太

子十歲而景帝崩時年十六矣孝武皇帝初即位尤敬鬼神之神祀

元年漢興已六十餘歲矣徐廣曰六十一年歲在辛丑天下又

安薦紳之屬索隱曰薦音指搢也言搢笏於前也比望天子封禪改元度

也而上鄉儒術招賢良趙綰王臧等以文學為

公卿欲議古立明堂城南以朝諸侯索隱曰城南長安城南門

外也關中記云明堂在長安城門外杜門之西草廵符封禪改歷服色事未

就會竇太后治黃老言不好儒術使人微得趙

綰等女姦利事徐廣曰纖微伺察之召案綰臧綰自殺正義

曰漢書孝武帝二年御史大夫趙綰坐請無奏事太皇太后及郎申令王臧皆下獄自殺應劭云王臧儒者欲立明堂辟

雍太后素好黃老術非薄五經因諸所與為者皆發後

六年竇太后崩其明年上徵文學之士八公孫弘

等明年上初至雍郊見五時正義曰時音止括地志云漢五帝時在岐州雍

縣南孟康云時有神靈之所止或曰以雍州雍縣南孟康云

時者神靈上帝也按五時者廊時密時吳陽時北時先是文

公作廊時祭上帝秦宣公作密時祭青帝秦靈公作吳陽

上時下時祭祭亦黃帝漢高祖作北時祭黑帝是五時也後

常三歲一郊是時上求神君正義曰漢武帝故事云

陵女子也先是嫁為人妻生一男數歲死女子悼痛之城中

亦死而靈苑若祠之遂聞言苑若為生民人多往請福說家

人小事有驗平原君亦事之至後子孫尊貴及上即位大后

延於宮中祭之聞其言不見其人至是神君求出局營栢梁

臺舍之初霍去病微時自禱神君及見其形自修飾欲與去

病交接去病不肯謂神君曰吾以神君精潔故齋戒祈福今

欲淫此非也自絕不復舍之上林中躡氏觀徐廣曰躡音啼口索

隱曰鄒誕生音節
神君者長陵女子以子死悲哀

故見神於先後宛若孟康曰產乳而死兄弟妻相謂先

多往祠平原君往祠徐廣曰武帝外祖母也駟案蔡邕

其後子孫以尊顯及武帝

即位則厚禮置祠之內中聞其言不見其人云

是時而李少君亦以祠竈穀道卻老方見上李

少君者故深澤侯徐廣曰姓趙景帝時絕封入以上方徐廣曰進

上尊之

而主方一云侯人主方駟案

謂七十能使物卻老如淳曰物鬼物也其游以方徧

諸侯無妻子人聞其能使物及不死更饋遺之

常餘金錢帛衣食人皆以為不治在生業而饒給

又不知其何所人愈信爭事之少君資好方善

為巧發竒中如淳曰時時發嘗從武安侯飲索隱

言與其大父游射處老人為兒時從其大父行

識其處一坐盡驚少君見上上有故銅器問少

君少君曰此器齊相公十年陳於柘寢服虔曰地

名有臺也

而主方一云侯人主方駟案

謂七十能使物卻老如淳曰物鬼物也其游以方徧

諸侯無妻子人聞其能使物及不死更饋遺之

嶺曰晏子書相寢臺名也。正義曰括地志云相寢臺在青州。王乘縣東北二十一里。韓子云景公與晏子遊於少海。登

相寢之臺而望其國。公曰美哉堂乎。後代孰將有此。晏子云其田氏乎。公曰寡人有國而田氏家柰何。對曰奪之則近賢

遠。不肖治其煩亂。輕其刑罰。服窮乏恤孤寡。行恩惠。崇節儉。雖十田氏其如何。堂即此也。已而案其刻

果齊相公器。二宮盡駭。以少君為神。數百歲人

也。少君言於上曰。祠竈則致物。致物而丹砂可

化為黃金。黃金成以為飲食器。則共無壽。益壽而

海中蓬萊。僊者可見。見之以封禪。則不死。黃帝

是也。臣嘗游海上。見安期生。索隱曰。報虔云古之真。安期生琅耶阜鄉亭人也。賣藥海邊。秦始皇請語。二夜賜金

數千萬。出於阜鄉亭。皆置去留書。以赤玉馬一重為報。曰後千歲求我於蓬萊山下。食巨棗大如瓜。安期生僊者。通蓬萊

中合則見人。不合則隱。於是天子始親祠竈而

遣方士入海求蓬萊。安期生之屬而事化丹砂

諸藥。齊為黃金矣。索隱曰。齊音分劑之劑。居久之。李少君病

死。正義曰。漢書起居云。李少君將去。武帝夢與共登嵩高山。半道有使乘龍時從雲中。云太一請少君。帝謂左右將舍天子以為化去不死也。而

使黃鍾。韋昭曰。人姓名。正義曰。音直偽反。史寬舒受其方。漢書音義曰。二人皆

齊怪迂之方士。多相效。更言神事矣。亳人薄誘

忌。徐廣曰。一云亳人謬忌也。索隱曰。亳山陽縣名。姓謬名忌。居亳故下。稱薄忌。此文則衍薄字而謬。又誤作誘也。

奏祠泰一方。白天神貴者。泰一。索隱曰。按樂汁微圖云。紫微宮北極天一

太一宋均以為天一太一北極之別名春秋緯云紫極之別名又云紫宮天皇曜魄寶之所理也

曰五帝正義曰五帝五天帝也國語云蒼帝靈威仰赤帝神汗白帝名顯紀黑帝名玄矩佐者謂配祭也古者天子

以春秋祭泰一東南郊用太牢具七日徐廣曰一

其祠長安東南郊常奉祠如忌方其後人有上

書言古者天子三年一用太牢具祠神二一天

一地一泰一天子許之令太祝領祠之忌泰一

壇上如其方後人復有上書言古者天子常以

春秋解祠祠黃帝用一梟破鏡孟康曰梟鳥名食

黃帝欲絕其類使百物祠皆用之破鏡如龜而虎眼或云直

用破鏡如淳曰漢使東郡送梟五月五日為梟羹以賜百官

以惡鳥故食之冥羊用羊祠服虔曰馬行正義曰用一青牡

馬泰一臯山山君地長正義曰下文用牛武夷君

正義曰用乾魚陰陽使者以一牛漢書曰義曰令祠

官領之如其方而祠於忌泰一壇旁其後天子

苑有白鹿以其皮為幣索隱曰按食貨志幣以白鹿

黃金一斤代之又漢律皮幣率鹿皮方尺直金一斤

以發瑞應造白金焉正義曰

金三品武帝所鑄也如淳曰雜鑄銀鈎馬白金也平準書云

造銀錫為白金以為天用莫如龍地甲莫如馬人用莫如龜

故曰白金三品其一曰重八兩圓之其文龍名曰白選直三

千二曰重差小方之其文馬直五百三曰復小隨之其文龜

直三百錢譜云白金第一其形圓如錢肉好圓文為一龍白

銀第二其形方小長肉好亦小長好上下文為二馬白銀第

三其形似龜肉好其明年郊雍獲一角獸若鹿然

小是文為龜甲也若鹿昭曰楚人謂麋為鹿○索隱曰鹿音步交反按韋昭云體

若麋而一角春秋所謂有麋而角是也楚人謂麋為鹿又周

書王會云鹿者若鹿爾雅云麋大鹿也牛尾一角獸若鹿謂之麟是也

有司曰陛下肅祗郊祀上帝報享錫一角獸蓋麟云正義曰漢

書終軍傳云從上雍獲白麟一角於是薦五時時加

戴肉設武備而不為害所以為仁

一牛以燎正義曰力力賜諸侯白金以風符應合于

天地晉灼曰符瑞也於是濟北王以為天子

且封禪乃上書獻泰山及其旁邑天子受之更

以他縣償之常山王有臯遷天子封其弟於真

定以續先王祀而以常山為郡然後五嶽皆在

天子之郡其明年齊人少翁正義曰漢武故事云少翁年二百歲色如童子

以鬼神方見上上有所幸王夫人徐廣曰齊懷王閔之母也

栢譚新論云武帝有所愛幸姬王夫人少翁夫人卒少翁

以方術蓋夜致王夫人及竈鬼之貌云天子自

惟中望見焉於是乃拜少翁為文成將軍賞賜

甚多以客禮禮之文成言曰上即欲與神通宮

室被服不象神神物不至乃作畫雲氣車及各

以勝日漢書音義曰如火勝金駕車辟惡鬼又作甘

泉宮中為臺室畫天地泰一諸神而置祭具以

致天神居歲餘其方益衰神不至乃為帛書以

飯牛正義曰飯房晚反書翁詳弗知也言此牛腹中

有奇殺而視之得書書言甚怪天子疑之有識

其手書問之人果為書於是誅文成將軍正義曰漢

武故事云文成誅月餘日使者藉貨關東還逢之於漕亭還見言之上乃疑發其棺無所見唯有竹筒一枚捕驗間無蹤

也跡而隱之其後則又作栢梁桐柱承露路僊人掌

之屬矣蘇林曰仙人以手掌擎盤承甘露也○索隱曰服

二十丈用香栢為殿梁香聞十里中建章宮承露盤高三十丈丈七圍以銅為之上有仙人掌承露和王屑飲之故張衡

賦曰立脩基之仙掌承雲表之清露是也文成死明年天子病鼎湖甚晉

曰在湖縣章昭曰地名近宜春○索隱曰湖縣名屬京兆後屬弘農昔黃帝採首陽山銅鑄鼎於湖曰鼎湖即今之湖城

縣也韋昭以為巫醫無所不致至不愈游水發根

服虔曰游水縣各發根人各姓晉灼曰地理志游水水各在臨淮浦也○索隱曰顏師古以游水姓發根各蓋或因水為姓或曰發乃言曰上郡有巫病而鬼下之上召置

祠之甘泉及病使人問神君韋昭曰即神君言曰

天子母憂病病少愈強與我會甘泉於是病愈

遂幸甘泉病良已孟康曰良已蓋已愈也大赦天下置壽宮

神君服虔曰立此便宮也贊曰宮奉神神君最貴者大

夫其佐曰大禁司命之屬皆從之非可得見聞

其音與人言等時去時來來則風肅然也居室

帷中時晝言然常以夜天子被然後入漢書音義曰崇潔自

後除然因巫為主人關飲食所欲者言行下李奇曰神

所欲言上又置壽宮北宮正義曰括地志云壽宮北宮皆在雍州長安縣西北三十

輒為下之武帝壽宮以處神君張羽旗設供具以禮神君神

君所言上使人受書其言命之曰書法漢書音義曰或云策

書之法也。正義曰其所語世俗之所知也母絕殊

者而天子獨喜其事祕世莫知也其後三年有

司言元宜以天瑞命不宜以一二數蘇林曰得黃龍鳳皇諸瑞

以各年。正義曰孝景以前即位以一二數年為始一元曰建

元二元以長星曰元光三元以郊得一角獸曰

元狩云徐廣曰案諸紀元光後有元朔元朔後得元狩其明年冬天子郊雍

議曰今上帝朕親郊而后土母祀則禮不答也

有司與太史公韋昭曰說者以談為太史公失之矣史記稱遷為太史公者是外孫楊惲所稱

索隱曰姚察按司馬遷傳亦以談為太史公非惲所加又按虞喜志林云古者主天官皆自上公自周至漢其職轉卑然

朝會坐位猶居公上尊天之道其官屬仍以舊名尊而稱公

公名當起於此故如淳云太史公位在丞相上天下郡國計

書先上太史公副上丞相其義是也而桓譚新論以為太史

公造書書成示東方朔朔為平定因署其下太史公者皆東

方朔所加之也楊惲此而稱耳祠官寬舒等議天地牲角繭栗

今陛下親祀后土后土宜於澤中園立為五壇

壇一黃犢太牢具已祠盡瘞而從祠衣上黃於

是天子遂東始立后土祠汾陰睢上徐廣曰元鼎四年時也

案蘇林曰睢音誰如淳曰河之東岸特堆壘長四五里廣二

里餘高十餘丈分陰縣在睢之上后土祠在縣西汾在睢之

北西流與和合也。索隱曰漢書舊儀如寬舒等議上

作葵上者蓋河東人呼誰與葵同故耳

親望拜如上帝禮禮畢天子遂至滎陽而還過
雒陽下詔曰三代邈絕遠矣難存其以三十里
地封周後為周子南君以奉先王祀焉是歲天
子始巡郡縣侵尋於泰山矣索隱曰侵尋即侵淫也故晉灼云遂往之意也
小顏云侵淫漸染之義蓋尋淫故曰相近假借用耳其春樂
師古叔父游秦亦解漢書故稱師古為小顏也
成侯徐廣曰姓丁名義後與樂大俱誅也
云河間縣按交祀志樂以侯登而徐廣據表云姓丁
各義未詳耳上書言樂大樂大膠東宮人服虔曰故嘗
與文成將軍同師已而為膠東王尚方而樂成
侯姊為康王后孟康曰膠東王后也母子康王死他姬子立
為王而康后有淫行與王不相中得相危以法

康后聞文成已死而欲自媚於上乃遣樂大因
樂成侯求見言方天子既誅文成後悔恨其早
死惜其方不盡及見樂大大悅大為人長美言
多方略而敢為大言處之不疑大言曰臣嘗往
來海中見安期羨門之屬索隱曰韋昭云羨門古顧仙人應劭云名子高顧
以為臣賤不信臣又以為康王諸侯耳不足予
方臣數言康王康王又不用臣臣之師曰黃金
可成而河決可塞不死之藥可得僊人可致也
臣恐效文成則方士皆掩口惡敢言方哉上曰
文成食馬肝死耳子誠能脩其方我何愛乎大

曰臣師非有求人人者求之陛下必欲致之則
貴其使者令有親屬以客禮待之勿卑使各佩
其信印乃可使通言於神人神人尚肯邪不邪
致尊其使然後可致也於是上使先驗小方闕
旗旗正義曰音其文本或作其恭說文云棋博其也高誘註
淮南子云取雞血與針磨擣之以和磁石用塗其額
曝乾之置局上自相觸擊是時上方憂河決而黃
即相拒不止也金不就正義曰鍊丹砂鈆乃拜大為五利將軍居
月餘得四金印佩天士將軍地士將軍大通將
軍天道將軍印制詔御史昔禹疏九江決四瀆
間者河溢卑陸隄繇不息正義曰顏師古云卑水旁

盜自卑及陸而繁作堤朕臨天下二十有八年天若

遺朕士而大通焉昭曰言樂人能通天意故封樂

稱蜚龍鴻漸于般書音義曰般水涯堆也漸進也武

得道若飛意庶幾與帝云得樂大如鴻進於般一舉千里

大為樂通侯韋昭曰始通賜列侯甲第漢書音義曰

故曰第僮千人乘輿斥車馬漢書音義曰或云斥不用

隱曰孟康云斥不用帷帳器畜物以充其家又以衛長

公主妻之孟康曰衛太子妹如淳曰衛太子姊也蔡邕曰

比諸侯王駟案此帝女齊金萬斤更名其邑曰當利

公主地理志云東天子親如五利之第使者存問

萊有當利縣

所給連屬於道自大主徐廣曰武帝姑也駟案將相

以下皆置酒其家獻饗遺之於是天子又刻玉印

曰天道將軍使使衣羽衣夜立白茅上五利將

軍亦衣羽衣立白茅上受印以示弗臣也而佩

天道者且為天子道天神也於是五利常夜祠

其家欲以下神神未至而百鬼集矣然頗能使

之其後治裝行東入海求其師云大見數月佩

六印貴振天下而海上燕齊之間莫不搯度

日滿手曰搯而自言有禁方能神僊矣其夏六

月中汾陰巫錦應劭曰為民祠魏肅后土營旁應

日魏故魏國也見地如鉤狀培視得鼎索隱曰說文

鼎大異於眾鼎文鏤無款識韋昭曰款刻也怪

之言吏吏告河東太守勝勝以聞天子使使驗

問巫錦得鼎無茲款乃以禮祠迎鼎至甘泉從

行上薦之如淳曰以鼎從行上至至中山徐廣曰河渠

中山西口索隱曰此山在馮翊谷口縣西近九畷山土人呼

為中山河渠書韓使水工鄭國說秦鑿渠涇水自中山西即此

也晏温如淳曰三輔謂日出清濟為晏安而温有黃雲

蓋焉有鹿過上自射之因以祭云至長安徐廣曰

行薦之或公卿大夫皆議請尊寶鼎天子曰問者

河溢歲數不登故巡祭后土祈為百姓育穀今

年豐庶未有報鼎且以為出哉有司皆曰聞昔太

帝與神鼎一儀氏以文在黃帝之前故也一者一統

天地萬物所繫終心黃帝作寶鼎三象天地人

也禹收九牧之金鑄九鼎皆嘗賜耳徐廣曰耳莫也賜音賜皆

嘗以首牲牢而祭祀也口索隱曰言鼎以享牲而饋食也賜

字又作賜音賜漢書郊祀志云鼎空足曰鬲以象二德鬲音

歷謂足中不實者名之也上帝鬼袖帝或曰嘗享酌也遭聖則興正義

曰遭逢也鼎雖淪泗水逢之聖遷于夏商周德衰宋之

社云正義曰社主民也社以土為之宋社即亳社也周武王

氣周禮衰國將危民故曰社乃淪伏而不見頌云自堂

徂基正義曰此以下不胡考之休是周頌絲衣之詩自堂

一本無是甘泉更四字

禮輕使士升堂禮經使士升堂禮蓋濯及獲豆之屬降往於自羊徂牛正義

塾牲自羊徂牛充包乃舉鼎禮之次也自羊徂牛正義

牛也毛萇云先視羊後及自羊徂牛正義

上謂不虞不鵠胡考之休案隱曰毛詩傳云吳詳也

為吳音洪霸反說文以吳一口大言也此作虞者與今自鼎

吳聲相近故假借也或首本文借此虞為驪娛字也今自鼎

至甘泉光潤龍變承休無疆合是茲中山有黃白

雲降韋昭曰與中山所苦若獸為符服虔曰雲若獸在

是甘泉更路弓乘矢韋昭曰路大集獲壇下報祠

大鄉食徐廣曰一云惟受命而帝者心知其意服虔

且見鼎於其廟而合德焉鼎且見於祖禰藏於帝

廷以合明應制曰可入海正義曰蓬萊者方文嘉州勃

海中三神山也言蓬萊不遠而不能至者殆不見其氣上

乃遣望氣佐候其氣云其秋上幸雍且郊索隱曰

形高故云上或曰五帝泰一之佐山宜立泰一而上親

郊之上疑未定齊人公孫卿曰今年得寶鼎其

冬辛巳朔旦冬至與黃帝咄等卿有札書曰黃

帝得寶鼎死侯問於鬼史曰漢書曰音義曰黃帝時

帝佐也李奇曰黃帝時諸侯本作區對曰黃帝得寶鼎

神筮是歲己酉朔旦冬至竟以天之紀終而復始

於是黃帝迎日推筮後率二十歲正義曰率音律

反三音並通得朔旦冬至凡二十推三百八十年

後皆放此也

黃帝僊登于天卿因所忠欲奏之所忠視其書

不經疑其妄書謝曰寶鼎事已決矣尚何以爲

卿因嬖人奏之上大說召問卿對曰受此書申

功封禪書曰功字作公申功已死上曰申功何人也卿曰申

功齊人也與安期生通受黃帝言無書獨有此

鼎書曰漢興復當黃帝之時漢之聖者在高祖

之孫且曾孫也寶鼎出而與神通封禪封禪七

十二王正義曰河圖云王者封太山禪唯黃帝得上泰

山封申功曰漢主亦當上封上封則能僊登天

矣黃帝時萬諸侯而神靈之封居七千應劭曰黃帝時諸侯

會封禪者七千人李奇曰說仙道得封者
十千國張晏曰神靈之封謂山川之守 天下各山八而

三在蠻夷五在中國中國華山首山太室泰山

東萊此五山黃帝之所常遊與神會黃帝且戰

且學僊患百姓非其道乃斷斬非鬼神者百餘

歲然後得與神通黃帝郊雍上帝宿三月鬼吏

區號大鴻死葬雍故鴻冢是也蘇林曰公雍有鴻冢其後黃

帝接萬靈明廷明廷者甘泉也所謂寒門者谷

口也徐廣曰寒一作寒漢書音義曰黃帝仙於寒門也○索隱曰隱曰形處之寒門黃帝所僊之處小頰云山谷中山之谷黃帝采首山銅鑄鼎

於荆山下晉灼曰地理志首山屬河東鼎既成有龍

垂胡顛下迎黃帝索隱曰顛師古云胡謂顛下垂肉也顛其毛也故童謠曰何當為君鼓龍

胡是也黃帝上騎羣臣後宮從上龍七千餘人龍

乃上去餘小臣不得上乃悉持龍顛龍顛拔墮

王義曰徒果反黃帝之弓百姓仰望黃帝既上天乃抱其

弓與龍胡顛號正義曰戶高反下同故後世因各其處曰鼎

湖正義曰括地志云湖水原出虢州胡城縣南三十五里夸父山北流入河即鼎湖也其弓曰烏號

於是天子曰嗟乎吾誠得如黃帝吾視去妻子

如脫躡耳乃拜卿為郎東使候神於太室上遂

郊雍至隴西西登空桐正義曰空桐山在原州平高縣西一百里幸甘泉

今祠官寬舒等具泰一祠壇壇放薄已忘泰一壇

壇二垓

徐廣曰垓次也。聖案李奇曰垓重也。三重壇也。索隱曰鄒氏云垓一作陔。言壇階三重。五帝

壇環居其下各如其方黃帝西南除八通鬼道

服虔曰坤位在未黃帝從土位泰一所用如雍一時物而加醴棗

脯之屬蜀殺一犂牛以為俎且牢具而五帝獨有

俎豆韋昭曰無犂牛醴之屬醴進索隱曰師古云具俎豆酒醴而進

也其下四方地為餼食索隱曰餼音竹山內反謂聯續而祭之漢志作駮古字亦通說文

云綴祭酬也。正義曰綴音莊云謂繞壇設諸神祭座相連綴也。君羣神從者及北斗云

已祠胙餘皆燎之其牛色白鹿居其中彘在鹿

中水而洎之徐廣曰洎音居器反肉汁也。和駮案晉灼曰此說合牲物燎之也。正義曰勿制伯莊云以大

義和祭食燎之按以鹿內牛中祭日以牛祭日以羊彘特

索隱曰特一牲也言若牛若羊若豕止一特也泰一祝宰則衣紫及繡五帝

各如其名巳日赤月白十一月辛巳朔旦冬至昧

爽天子如郊拜泰一朝朝日夕夕月應劭曰天子泰朝日秋夕

月拜日東門之外朝日以朝夕月以夕。贊曰漢儀郊泰一時皇帝平旦山竹宮東向揖日其夕西向揖月使用郊日不用春秋

也則培土而見泰一如雍禮其贊饗食曰天始以

寶會鼎神筮授皇帝朔而又朔終而復始皇帝敬

拜見焉而衣上黃其祠列火滿壇旁壇旁身炊

具有司云祠上有光焉公卿言皇帝始郊見泰

一雲陽正義曰括地志云漢雲陽宮在雍州雲陽縣北八十一里有通天臺即黃帝以來祭天園立之處武

帝以五月辟暑有司奉瑄玉孟康曰瑄大六寸謂之瑄音宣嘉

牲薦饗饗

正義曰漢書儀云祭天養牛五歲至二千斤

是夜有美光及晝黃

氣上屬天太史公祠官寬舒等曰神靈之休祐

福兆祥宜因此地光域徐廣曰地一作夜立泰畤壇以明

應令大祝領祀及臘間祠三歲天子一郊見其

秋為代南越告禱泰一以牲徐廣曰一作牲荆畫幡如淳曰荆

之無子者皆以物繫齊之道也晉灼曰牲荆節間不相當者韋昭曰以牲荆為柄者也日月北斗登龍

以象天一二三星為泰一鋒徐廣曰天官書曰天極星

星曰天一駟案晉灼曰畫一星在後二三星在前為太一鋒也名曰靈旗正義曰李奇云

上月北斗登龍等為兵禱正義曰為則太史奉以指所

伐國正義曰韋昭云牲剛也荆強按用牲荆指伐國取其剛為稱故畫此旗指之而五利將

軍使不敢入海之泰山祠上使人微隨驗實無

所見五利亡女言見其師其方盡多不讎上乃誅

五利正義曰漢武故事云東方朔言樂太無狀上發怒乃斬之其冬公孫卿候神河

南見僊人跡緱氏城上有物若雉往來城上天

子親幸緱氏城視跡問卿得毋效文成五利乎

卿曰僊者非有求人主人主求之其道非少寬

假神不來上言神事事如迂誕正義曰迂音干誕音積但迂遠也誕大也積

以歲乃可致於是郡國各除道繕治宮觀名山

神祠所以致幸矣其年既滅南越上有嬖臣李

延年以好音見上善之下公卿議曰民間祠尚

有鼓舞之樂今郊祠而無樂豈稱乎公卿曰古

者祀天地自有樂而神祇可得而禮或曰秦帝

使素女索隱曰亦謂太昊口正義曰素女曰素米帝謂太昊伏羲氏鼓五十弦瑟悲帝

禁未止故破其瑟為二十五弦於是塞南越禱

祠秦一后上始用樂舞益召歌兒作二十五弦

徐廣曰及庶侯瑟自此起徐廣曰應劭云武帝令瑟人侯調始造瑟侯其來

年冬上議曰古者先振兵澤旅徐廣曰古澤字作澤然後封

禪乃遂北巡朔方勒兵十餘萬還祭黃帝冢橋

山澤兵洎如李奇曰地名也上曰吾聞黃帝不殛今有冢

何也或對曰黃帝已僊上天羣臣葬其衣冠既

至甘泉為且正義曰為于偽反將為封禪也用事泰山正義曰道書稱地記云泰山高

四千九百丈二尺周迴二千里先類祠泰一自得寶鼎上與公卿

諸生議封禪正義曰白虎通云王者易姓而起天下太平禪梁父之趾廣厚

也刻石紀號著已之功績天以高為尊地以厚為德故增泰

山之高以放天禪梁甫之趾以報地封者附廣之禪者將以

功相傳封禪用希曠絕莫知其儀禮而羣儒采

封禪尚書周官王制之望祀射牛事蘇林曰當射其牲

除不祥續曰射牛示親殺也口索隱曰天子射牛示親殺也事見國語亦父丁公年九十

餘曰封者合不死之名也秦皇帝不得上封陞

下必欲上稍上即無風雨遂上封矣上於是乃

令諸儒習射牛草封禪儀志亦隱曰見應官儀也數年至三

行天子既聞公孫卿及方士之言黃帝以上封
禪皆致怪物與神通欲放黃帝以嘗接神僊人
蓬萊士高世比德於九皇張晏曰三皇之前有人皇
九首曰上古人皇者
大人而頗采儒術以文之羣僊既以不能辯明
封禪事又牽拘於詩書古文而不敢騁上為封
祠器示羣儒羣儒或曰不與古同徐偃又曰太
常諸生行禮不如魯曾善周霸臨甸圖封事服虔曰
屬會也
會諸儒於是上絀偃霸盡罷能詔儒弗用二月遂
東幸緱氏禮登中嶽又曰曰嶽高
在潁川陽城縣大室韋昭曰
山也
有大室少室之山
有石室故以名之從官在山下聞若有言萬歲云

正義曰漢儀注云有稱萬歲可十萬人聲問上上不言問下下不言於是

以三百戶封太室奉祠命曰崇高邑正義曰頃師
古云以崇奉

嵩高山故謂之崇高也東上泰山山之草木菜未生乃令人

上石立之泰山顛上遂東巡海上行禮祠八神

大類曰武帝登泰山祭太一井祭名山於泰壇西南開除八
通鬼道故言八神也一曰八方之神二曰八節之神三曰八
謂天地陰陽日月星辰主四時之屬今按郊祀志一曰天主
祠天齊二曰地主祠太山梁父三曰兵祠出九四曰陰主
祠三山五曰陽主祠之梁父六曰月主祠之萊七曰日主
祠盛山八曰四時主祠琅邪齊人之上疏

言神怪奇方者以萬數然無驗著者乃益發船令

言海中神山者數千人求蓬萊不神人公孫卿持

節常先行候名山至東萊言不見一人長數丈

就之則不見見其跡甚大類禽獸云羣臣有言
見一老父牽狗言吾欲見巨公漢書音義曰巨公謂武帝已忽
不見上既見大跡未信及羣臣有言老父則大
以為僊人也宿留海上與方士傳車及間使求
僊人以千數四月還至奉高上念諸儒及方士
言封禪人人殊不經難施行壬子至梁父禮祠
地主乙卯令侍中儒者皮弁詣祠射牛行事封
泰山下東方如郊祠泰一之禮封廣丈二尺高
九尺其下則有玉牒書書秘恒畢天子獨與侍
中奉車子侯漢書百官表曰奉車子侯初置韋昭曰子侯從去病之子也上

泰山亦有封其事皆禁明日下陰道丙辰禪泰

山下陞東北肅然山如祭后土禮天子皆親拜

見衣上黃而盡用樂焉江淮閒一茅三脊五康

謂靈茅也為神藉五色土益雜封縱遠方奇獸謂

及白雉諸物頗以加祠兕旄牛犀象之屬弗用

皆至泰山然後去封禪祠其夜若有光書有白

雲起封中天子從封禪還坐明堂漢書音義曰天子初封泰山山

東北陞古時有明堂處則此羣臣更上壽於是制詔御

史朕以眇眇之身承至尊兢兢焉懼弗任維德

菲薄不明于禮樂脩祀泰一若有象景光屑如

有^{璣曰聞呼}望萬歲者三依依震於怪物欲止不敢遂登封

泰山至於梁父而后禪肅然服虔曰肅然山名在梁父自新嘉

與士大夫更始賜民百戶牛一酒十石加年八

十孤寡布帛二匹復博奉高蛇丘鄭玄曰歷城母

出今年租稅其赦天下如乙卯赦令行所過毋

有復作事在二年前皆勿聽治又下詔曰古者

天子五載一巡狩用事泰山諸侯有朝宿地其

令諸侯各治邸泰山下正義曰諸侯各於太山朝宿

而居天子既已封禪泰山既無風雨苗而方士

更言蓬萊諸神山若將可得於是上欣然庶幾

遇之乃復東至海上望異遇蓬萊焉奉車子侯

暴病二日死上乃遂去並海上北至竭石巡自

遼西歷北邊至九原五月返至甘泉漢書音義曰

也周萬八千里有司言寶鼎出為元鼎以今年為元封元年

其秋有星彗于東井韋昭曰秦分野也後衛後十餘

日有星彗于三能韋昭曰三能三公後連坐誅之望氣王朔言候

獨見其星出如瓠索隱曰郊祀志墳星出如瓠故顏師

德星則德星歲星也歲食頃復入焉有司言曰陛下

建漢家封禪天其報德星云其來年冬郊雍五

帝還拜祝祠泰贄饗曰德星昭衍厥維休祥壽星

仍出索隱曰壽星南極老人星也淵耀光明信星昭

見索隱曰信星鎮星也信屬土土曰鎮星漢志為得之皇帝敬拜泰徐廣曰一祝

之饗其春公孫卿言見神人東萊山若云見天

子天子於是幸緱氏城拜卿為中大夫遂至東

萊宿留之志亦隱曰音秀溜宿留遲待之意若依字數日

毋所見見大人跡復遣方士求神怪采芝藥以

千數是歲日于於是天子既出母名乃禱萬里沙

應劭曰萬里沙神祠也在東萊曲城孟康曰沙徑三百餘里過祠泰山鄧展曰泰山自

之泰山還至瓠子僕虔曰瓠子隄名在甄城以南

河名○索自臨塞決河索隱曰按河渠書武帝自臨塞留

二日沈祠而去索隱曰按沈曰馬祭河決使二娵將卒

塞決河河徙二渠復禹之故跡焉是時既滅南

越越人勇之韋昭曰越地人名也乃言越人俗信鬼而其祠

皆見鬼數有效昔東甌王敬鬼壽至百六十歲

後世謾怠故衰耗乃令越巫立越祝祠安臺無

壇亦祠天神上帝百鬼而以雞卜漢書音義曰持雞

義曰雞卜法用雞一狗一生祝願訖即殺雞狗煮熟又然獨取雞兩眼骨上自有孔裂似人物形則吉不足則凶今嶺南

猶行此上信之越祠雞卜始用焉公孫卿曰僊人

可見而上往常遽以故不見今陛下可為觀如

緱氏城韋昭曰如置脯棗神人宜可致且僊人好

樓居於是上令長安則作蜚廉柱觀應劭曰飛廉神禽能致風

氣音灼曰身如鹿頭如雀有角而蛇尾文如豹文也甘泉則作益延壽觀使卿

持節設具而候神人乃作通天臺徐廣曰在甘泉

作通天臺於甘泉宮按漢書舊儀臺高五十丈去長安二百里望見長安城置祠具其下將

招來神僊之屬於是甘泉更置前殿始廣諸宮

室索隱曰姚氏按揚雄云甘泉本因秦離宮既奢秦武帝復增通天高光迎風宮外近則有洪厓旁皇儲胥弩陸遠則

石關封密枝鷓露寒棠黎師得遊觀屈奇瑰偉又有高華溫德法相曾成宮白虎走拘天梯瑤臺仙人弩思觀皆壯麗也

夏有芝生殿防內中徐廣曰元封二年也索隱天

子為塞河興通天臺若有光云李奇曰為此作事而有光應瓚曰作

通天臺也乃下詔曰甘泉防生芝九莖應劭曰芝草也其葉相連如淳曰

端應圖云王者故事皆老不失舊故則芝草生赦天下毋有復作其明年伐

朝鮮夏旱八公孫卿曰黃帝時封則天旱乾封正義

曰乾音干蘇林云天旱欲使封土乾燥也顏師古云三歲不雨暴所封之土令乾鄭氏云但祭不立尸為乾封三年

上乃下詔曰天旱意乾封乎蘇林曰天旱欲使封土乾燥如淳曰但祭不立

尸為乾封其令天下尊祠靈星焉正義曰靈星即龍星也張晏云龍星左角曰天

田則農祥也其明年上郊雍通回中道巡之徐廣曰在扶風

見而祭之春至鳴澤服虔曰鳴澤澤名也在承郡道縣北界從西河歸其明年

冬上巡南郡徐廣曰元封五年至江陵而東登禮潛之天

柱山號曰南嶽應劭曰潛縣屬廬江南嶽霍山也浮江

自尋陽出樅陽地理志廬江有樅陽縣過彭蠡祀其各山川

北至琅邪並海上四月中至奉高脩封焉初天子封泰山泰山東北陞古時有明堂處處險不敞上欲治明堂奉高旁未曉其制度濟南人公

玉帶上黃帝時明堂圖索隱曰玉或音肅公玉姓帶名姚氏案風俗通齊湣王臣

有公玉冉其後也音語錄及三輔決錄云杜陵有玉氏音肅說文以為從玉音畜牧之畜今讀公玉與決錄音同然二姓

單復有異單姓者音肅後漢司徒玉祝是其後也明堂圖中有一殿四向無

壁以茅蓋通水園宮垣為復道上有樓從西南

入命曰昆侖索隱曰玉帶明堂圖中為復道有樓從西南入各其道曰崑崙命言其似崑崙山之五城十

二樓故名之也天子從之入以拜祠上帝焉於是上令奉

高作明堂汶上徐廣曰在元封二年秋如帶圖及五年脩封

則祠泰一五帝於明堂上坐令高皇帝祠坐對

之祠后土於下房以二十太牢天子從崑崙道

入始拜明堂如郊禮禮畢燎堂下而上又上泰

山有祕祠其顛而泰山下祠五帝各如其方黃

帝并赤帝而有司侍祠焉泰山上舉火下悉應

之其後二歲十一月甲子朔旦冬至推歷者以

本統天子親至泰山以十一月甲子朔旦冬至

日祠上帝明堂徐廣曰常五年一脩耳今適二年故但祀明堂每脩封禪其

贊饗曰天增授皇帝泰元神筮索隱曰按贊饗之辭言天授皇帝泰元神

筮周而復始又按黃帝得寶鼎神筮則太元者古昔上皇創曆之號故此云太元神筮者周而復始也周而復

始也

始皇帝敬拜泰一東至海上考入海及方士求

神者莫驗然益遣冀遇之十一月乙酉徐廣曰二

栢梁裁十二月甲午朔上親禪高里伏犧曰山名

祠后土臨渤海將以望祠蓬萊之屬冀至殊庭

焉漢書音義曰蓬萊庭口索隱曰冀漢書作幾幾近也冀望

也並通服虔曰蓬萊中仙人殊庭者異也言入仙人異

上還以栢梁裁故朝受計甘泉正義曰顧胤云

二日燒徐廣曰日黃帝乃治明庭明庭甘泉也方

士多言古帝王有都甘泉者其後天子又朝諸

侯甘泉甘泉作諸侯邱勇之乃曰越俗有火裁

復起屋必以大用勝服之於是作建章宮正義

高未央其東則鳳闕高二十餘丈索隱曰三輔黃

章起鳳闕高二十五丈闕中記一名別鳳闕以言別四方之

風西京賦曰闔闔之內別風嶢嶢是也三輔故事云北有園

鳳凰故曰鳳闕也其西則唐中數十里虎圈

曰如淳云詩云中堂有璧鄭玄云唐堂庭也爾雅以廟中路

謂之唐西京賦曰前開唐中弥望曠是也正義曰園其遠

反括地志云虎圈大其北治大池漸臺

池正義曰臣瓚云泰液

魚之屬索隱曰三輔故事云殿北海池北岸有石龜

其

南有玉堂壁門大鳥之屬索隱曰漢武故事玉堂基與未央殿等去地十二丈

乃立神明臺索隱曰漢宮闕疏云臺高五十二丈井

幹樓度五十餘丈輦道相屬焉索隱曰關中記宮北有井幹臺高五

十大積木為樓言築累萬木轉相交架如井幹司馬彪註莊子云井幹井欄也又崔譔云井以四邊為幹猶築墻之有榑

幹又諸本多作作幹一本夏漢改曆以正月為歲首而

色上黃官名徐廣曰一無名字更印章以五字張晏曰漢據

故用五為印文也若丞相曰丞相之印章因為太初元

年是歲西伐大宛蝗大起于夫人韋昭曰丁姓雜

陽虞初等以方祠詛匈奴大宛焉其明年有司

言雍五時無牢熟具芬芳不備乃命祠官進時

犢牢具五色食所勝孟康曰若火乘金而以木耦

馬代駒焉索隱曰一音偶孟康云寓寄龍形於木又姚氏云寓假也以言假木龍馬一駒非奇寓龍馬形

也獨五帝用駒行親郊用駒及諸名山川用

駒者悉以木耦馬代行過乃用駒他禮如故其

明年東巡海上考神仙之屬未有驗者方士有

言黃帝時為五城十二樓應劭曰崑崙縣圍五城十

以候神人於執期漢書音義曰命曰迎年正義曰顏

祈年上許作之如方明年上親禮祠上帝衣

上黃焉公玉帶曰黃帝時雖封泰山然風后封

鉅應劭曰封岐伯止義曰張揖云今黃帝封東泰山

禪凡山合符然後不死焉

徐廣曰在琅邪朱虛縣文水所出凡山亦在朱虛

天子既令設祠其至東泰山東泰山卑小不稱

其繁乃令祠官禮之而不封禪焉其後令帶奉

祠候神物夏遂還泰山修五年之禮如前而加

禪祠石閭石閭者在泰山下陞南方方士多言

此僊人之閭也故上親禪焉其後五年復至泰

山修封

徐廣曰天漢三年李陵以天漢二年敗也

還過祭常山今天子

所興祠泰一后土三年親郊祠建漢家封禪五

年一修封薄忌泰一及三一具羊馬行赤星五

寬舒之祠官

李哥曰祀名也。索隱曰赤星即上靈星祠靈星龍左角赤故曰赤星五者太一也三一

也具羊也馬行也赤星也凡五並令祠官寬舒領之

以歲時致禮凡六祠

曰五

者之外有正太一后土祠故云六也

皆太祝領之致如八神諸神明

年凡山他名祠行過則祀去則已方士所興祠

各自主其人終則已祠官弗主他祠皆如其故

今上封禪其後十二歲而還徧於五嶽四瀆矣

而方士之候祠神人入海求蓬萊終無有驗而

公孫卿之候神者猶以大人跡為解無其效天

子益怠厭方士之怪迂語矣然終羈縻弗絕真

遇其真自此之後方士言祠神者彌衆然其效

可睹矣

徐廣曰猶今人云其事也可知矣皆不信之耳又數本皆无可字

太史公曰余從巡祭天地諸神名山川而封禪
焉入壽宮侍祠神語究觀方士祠官之言於是
退而論次自古以來用事於鬼神者具見其表
裏後有君子得以覽焉至若俎豆珪幣之詳獻
酬之禮則有司存焉

索隱述贊曰

孝武纂極

四海承平

志尚奢麗

尤敬神明

壇開八道

接通五城

朝親五利

夕拜文成

祭非祀典

巡垂卜征

登嵩勒岱

望景傳聲

迎年紀日

改曆定正

疲耗中土

事彼邊兵

日不暇給

人無聊生

俯觀羸政

幾欲齊衡



Vertical columns of text on the right side of the page, likely bleed-through from the reverse side. The text is arranged in several columns, with some characters appearing to be in a traditional Chinese script. The rightmost column is partially obscured by the book's binding.

